



古文奇賞卷之七

古吳陳仁錫選評 仁和郎奎金重訂

西漢議禮之文

公孫臣上書

因

始。秦。得。水。德。及。漢。受。之。推。終。始。傳。則。漢。當。土。德。土。德。之。應。黃。龍。見。宜。改。正。朔。服。色。上。黃。

表益規慎夫人同坐

臣聞尊卑有序則上下和今陛下既已立后慎夫人乃妾妾主豈可與同坐哉且陛下幸之卽厚賜之陛下所以爲慎夫人適所以禍之陛下獨不見人彘乎

一代不刊
之典

申屠嘉議文帝廟樂奏

景

陛下未思孝道立昭德之舞以明孝文皇帝之盛德
皆臣嘉等愚所不及臣等議曰功莫大於高皇帝德
莫盛於孝文皇帝高皇帝廟宜爲帝者太祖之廟孝文
皇帝廟宜爲帝者太宗之廟天子宜世世獻祖宗之
廟郡國諸侯宜各爲孝文皇帝立太宗之廟諸侯王
列侯使者侍祠天子歲獻祖宗之廟請著之竹帛宣
布天下

按景帝元年立孝文廟樂舞詔曰蓋聳古者祖有
功而宗有德制禮樂各有由聞歌者所以發德也

舞者所以明功也。高廟酎奏武德文始五行之舞。孝惠廟酎奏文始五行之舞。孝文皇帝臨天下通關梁不異遠方。除誹謗去肉刑。賞賜長老。收恤孤獨。以育群生。減嗜欲。不受獻。不私其利也。罪人不帑。不誅亡罪。除肉刑。出美人。重絕人之世。朕既不敏。不能識此。皆上古之所不及。而孝文皇帝親行之。德厚侔天地。利澤施四海。靡不獲福焉。明象乎日月。而廟樂不稱。朕甚愚焉。其爲孝文皇帝廟爲昭德之舞。以明休德。然後祖宗之功德著於竹帛。施於萬世。末末亡窮。朕甚嘉之。其與丞相列侯中。

二千石禮官具爲禮儀奏。○又按文帝議除收孥
詔曰法正則民慤。罪當則民從。議賑貸。詔曰貼于
死亡而莫之省憂。爲民父母將何如。議佐百姓。詔
曰將百官之奉養或廢。亡用之事或多。歟。告和親
詔曰和親已定。亡人不足以益衆廣地。未央宮遺
詔曰以眇眇之身。托于天下君王之上。今乃幸以
天年得復供養于高廟。其奚哀悲之有。及諸詔書
皆以孺赤心吐金石論鳴謙貞吉於鏐哉稱昭德
之舞矣。○又按文帝賢良策問。惟十有五年九月
壬子。皇帝曰。昔者大禹勤求賢士。施及方外。四極

之內舟車所至人跡所及靡不聞命以輔其不逮
近者獻其明遠者通厥聰比善戮力以翼天子是
以大禹能亡失德夏以長林高帝親除大害去亂
從正並建豪英以爲官師爲諫諍輔天子之闕而
翼戴漢宗也賴天之靈宗廟之福方內以安澤及
四夷今朕獲執天子之正以承宗廟之祀朕旣不
德又不敏明弗能燭而智不能治此大夫之所著
聿也故詔有司諸侯王三公九卿及主郡吏各帥
其志以選賢良明於國家之大體通於人事之終
始及能直言極諫者各有人數將以匡朕之不逮

二三大夫之行當此三道。朕甚嘉之。故登大夫於朝。親諭朕志。大夫其上三道之要。及未惟朕之不德。吏之不平。政之不宜。民之不寧。四者之闕。悉陳其志。毋有所隱。上以薦先帝之宗廟。下以興愚民之休利。著之於篇。朕親覽焉。觀大夫所以佐朕至於不至。書之周之。審之重之。閉之興。自朕躬大夫其正論。毋枉執事。烏虜戒之二三大夫。其帥志毋怠。至哉言也。故曰君之仁者善養士。○又李將軍傳嘗從行有所衝陷折關及格猛獸而文帝曰惜乎。子不遇時。如今子當高帝時。萬戶侯豈足道哉。

其愛材如此。○文帝聖主也。稍信機祥而治亦少衰。太史公微意蓋如此。

倪寬正朔服色議

武

帝王必改正朔。易服色。所以明受命於天也。創業變改。制不相復。推傳序文。則今夏時也。臣等問學褊陋。不能明陛下躬聖發憤。昭配天地。臣愚以爲三統之制。後聖復前聖者。二代之統。絕而不序矣。惟陛下發聖德。宣考天地四時之極。則順陰陽以定大明之制。爲萬世則。

張敞上寶鼎議

宣

臣竊周祖始乎后稷后稷封于釐公劉發迹於豳大
王建國於邽梁文武興於鄠鎬由此言之則邽梁鄠
鎬之間周舊居也。固宜有宗廟壇場祭祀之藏。今鼎
出於邽東中有刻書曰王命尸臣官此邽邑賜爾旂
鸞黼黻琫戈尸臣拜手稽首曰敢對揚天子丕顯休
命。臣愚不足以述古文竊以傳記言之此鼎殆周之
所以褒賜大臣大臣子孫刻銘其先功藏之於宮廟
也。昔寶鼎之出於汾睢也。河東太守以聞詔曰朕巡
祭后土。祈爲百姓蒙豐年。今穀。噉。未。報。鼎。焉。爲。出。哉。
博問耆老意舊藏與誠欲考得事實也有司驗睢上

非舊藏處鼎大八尺一寸高三尺六寸殊異於衆鼎
今此鼎細小又有欵識不宜薦見于宗廟

匡衡封殷後議

元

王者存二王後所以尊其先王而通三統也其犯誅
絕之臯者絕而更封它親爲始封君上承其王者之
始祖春秋之議諸侯不能守其社稷者絕今宋國已
不守其統而失國矣則宜更立殷後爲始封君而上
承湯統非當繼宋之絕侯也宜明得殷後而已今之
故宋推求其嫡久遠不可得雖得其嫡嫡之先已絕
不當得立禮記孔子曰丘殷人也先師所共傳宜以

孔子世爲湯後。

成帝綏和元年封殷後詔蓋聞王者必存二王之
後。所以通三統也。昔成湯受命列爲三代而祭祀
廢絕。考求其後莫正孔吉。其封吉爲殷紹嘉侯。

章玄成等罷郡國廟議

臣聳祭非自外至者也。繇中出。生於心也。故唯聖人
爲能享帝。孝子爲能享親。立廟京師之居。躬親承事。
四海之內。各以其職來助祭。尊親之大義。五帝三王
所共不易之道也。詩云。有來雍雍。至止肅肅。相維辟
公。天子穆穆。春秋之義。父不祭於支。庶之宅。君不祭。

於臣僕之家。王不祭於下。士諸侯臣等愚以爲宗廟在郡國宜亡修。臣請勿復修。

永光四年罷郡國廟。詔令疏遠卑賤共承尊祀。殆非皇天祖宗之意。朕甚愍焉。又罷初陵勿置縣邑。詔東垂被虛耗之害。關中有亡聊之民。

韋玄成等毀廟議

祖宗之廟。世世不毀。繼祖以下五廟而迭毀。今高皇帝爲太祖。孝文皇帝爲太宗。孝景皇帝爲昭。孝武皇帝爲穆。孝昭皇帝與孝宣皇帝俱爲昭。皇考廟親未盡。太上孝惠廟皆親盡。宜毀。太上廟主宜瘞園。孝惠

皇帝爲穆主遷於太祖廟寢園皆亡復修

韋玄成孝文孝昭太后寢園奏

古者制禮別尊卑貴賤國君之母非適不得配食則薦于寢身沒而已陛下躬至孝承天心建祖宗定迭毀序昭穆大禮既定孝文太后孝昭太后寢祠園宜如禮勿復修

匡衡議郊祀奏

成

帝王之事莫大乎承天之序承天之序莫重於郊祀故聖王盡心極慮以建其制祭天於南郊就陽之義也瘞地於北郊卽陰之象也天之於天子也因其所

都而各嚮焉。往者孝武皇帝居甘泉宮。卽於雲陽立泰畤。祭於宮南。今行常幸長安郊。見皇天反北之泰陰祠。后土取東之少陽事。與古制殊。又至雲陽行溪谷中。阨陝且百里。汾陰則渡大川。有風波舟楫之危。皆非聖主所宜。數乘郡縣。治道共張。吏民困苦。百官煩費。勞所保之民。行危險之地。難以奉神靈而祈福祐。殆未合於承天子民之意。昔者周文武郊於豐鄘。成王郊於維○○○邑。由此觀之。天隨王者所居而饗之。可見也。甘泉泰畤河東后土之祠。宜可徙置。長安合於古。帝王願與群臣議定。

建始二年郊報詔曰乃者徙泰后土於南郊北郊
皇天權應神光並見三輔長亡共張繇役之勞

匡衡等郊祀再議

陛下聖德聰明上通承天之大典覽群下使各悉心
盡慮議郊祀之處天下幸甚臣聞廣謀從衆則合於
天心故洪範曰三人占則從二人言言少從多之義
也論當往古宜於萬民則依而從之違道寡與則廢
而不行今議者五十八人其五十人言當徙之義皆
著於經傳同於上世便於吏民八人不按經藝考古
制而以爲不宜亡法之議難以定吉凶太誓曰正稽

古立功立事可以末年丕天之大律詩曰母曰高高
在上陟降厥士日監於茲言天之日監王者之處也
又曰乃眷西顧此維予宅言天以文王之都爲居也
宜於長安定北郊爲萬世基宏大

匡衡甘泉泰畤壇議

甘泉泰畤紫壇八觚宜通象八方五帝壇周環其下
又有群神之壇以尚書禮六宗望山川徧群神之義
紫壇有文章采鏤黼黻之飾及玉女樂石壇僊人祠
瘞鸞路駢駒寓龍馬不能得其象於古臣聞郊柴壇
享帝之義掃地而祭上質也歌大呂舞雲門以娛天

神歌太簇舞咸池以娛地祇其牲用犢其席棗櫨其
器陶匏皆因天地之性貴誠上質不敢修其文也以
爲神祇功德至大雖修精微而備廢物猶不足以報
功惟至誠爲可故上質不飾以章天德紫壇僞飾女
樂鸞路駢駒龍馬石壇之屬宜皆勿修

匡衡五時議

王者各以其禮制事天地非因異世所立而繼乏今

太史公之所懼也

雍鄜密上下時本秦侯各以其意所立非禮之所載
術也漢興之初儀制未及定卽且因秦故祠復立北
時今旣稽古建定天地之大禮郊見上帝青赤白黃

黑五方之帝皆畢陳各有位饌祭祀備具諸侯所宴造王者不當長遵及北時未定時所立不宜復修

劉向請興禮樂疏

或曰不能具禮禮以養人爲本如有過差是過而養人也刑罰之過或至死傷今之刑非臯陶之法也而有司請定法削則削筆則筆救時務也至于禮樂則曰不敢是敢於殺人不_{○痛○快○}敢於養人也爲其俎豆筦弦之間小不備因是絕而不爲是去小不備而就大不備大不備或莫甚焉夫教化之比於刑法刑法輕是舍所重而急所輕也且教化所恃以爲治也刑法所

以助治也。今廢所恃而獨立其所助。非所以致太平也。自京師有諄逆不順之子孫。至於陷大辟。受刑戮者。不絕。繇不習五常之道也。夫承千歲之衰。周繼暴秦之餘。敝民漸漬惡俗。貪饕儉。誠不闕義理。不示以大化而獨毆以刑罰。終已不改。故曰導之以禮樂而民和睦。初叔孫通將制定禮儀。見非於齊魯之士。然向父子之議。率如此。可謂守祖之儒。卒爲漢儒宗業垂後嗣。斯成法也。

平當請復太上皇寢園書

昔者帝堯南面而治。先克明峻德。以親九族。而化及萬國。孝經曰。天地之性。人爲貴。人之行。莫大於孝。孝

莫大於嚴父嚴父莫大於配天則周公其人也夫孝
子善述人之志周公旣成文武之業而制作禮樂修
嚴父配天之事知文王不欲以子臨父故推而序之
上極於后稷而以配天此聖人之德亡以加於孝也
高皇帝聖德受命有天下尊太上皇猶周文武之追
王大王王季也此漢之始祖後嗣所宜尊奉以廣盛
德孝之至也書曰正稽古建功立事何以永年傳於
亡窮

平當請興雅樂疏

漢承秦滅道之後賴先帝聖德博受兼聽修廢官立

太學河間獻王聘求幽隱修興雅樂以助化時大儒
公孫弘董仲舒等皆以爲音中正雅立之大樂春秋
鄉射作於學官希濶不講故自公卿大夫觀聽者但
聳鑑鎗不曉其意而欲以風諭衆庶其道亡由是以
有之百有餘年德化至今未成今畢等守習孤學大
指歸於興助教化衰微之學興廢在人宜領屬雅樂
以繼絕表微孔子曰人能弘道非道弘人河間區區
小國藩臣以好學修古能有所存民到于今稱之況
於聖王廣被之資修起舊文放鄭近雅述而不作信
而好古於以風示海內揚名後世誠非小功小美也

比歆讓議立左氏書更簡而勁

劉輔諫立趙婕妤書

臣聞天之所與必先賜以符瑞天之所違必先降以災變此神明之徵應自然之占驗也昔武王周公承順天地以饗魚鳥之瑞然猶君臣祇懼動色相戒況於季世不蒙繼嗣之福屢受威怒之異者虜雖夙夜自責改過易行畏天命念祖業妙選有德之世考卜窈窕之女以承宗廟順神祇心塞天下望子孫之祥猶恐晚莫今乃觸情縱欲傾於卑賤之女欲以母天下不畏于天不愧于人惑莫大焉里語曰腐木不可

以爲柱卑人不可以爲主。天人之所不予。必有禍而
亾。福市道皆共知之。朝廷莫肯一言。臣竊傷心。自念
得以同姓拔擢尸祿。不忠污辱。諫爭之官。不敢不盡
死。唯陛下深察。

師丹爲共皇立廟議

哀

二年
家之
親
尊

聖王制禮取法於天地。故尊卑之禮明。則人倫之序
正。人倫之序正。則乾坤得其位。而陰陽順其節。人生
與萬民俱蒙福祐。尊卑者所以正天地之位。不可亂
也。今定陶共皇太后共皇后以定陶共爲號者。母從
子。妻從夫之義也。欲立官置吏。車服與太皇太后並。

非所以明尊卑亡二上之義也。定陶共皇號謚已前、
定義不得復改。禮父爲士子爲天子祭以天子其尸、
服以士服子亡爵父之義尊父母也。爲人後者爲之、
子故爲所後服斬衰三年而降其父母朞明尊本祖、
而重正統也。孝承皇帝聖恩深遠故爲共王立後奉、
承祭祀令共皇長爲一國太祖萬世不毀恩義已備、
陛下旣繼體先帝持重太宗承宗廟天地社稷之祀、
義不得復奉定陶共皇祭入其廟。今欲立廟於京師、
而使臣下祭之。是無主也。又親盡當毀空去一國泰、
祖不墮之祀而就無主當毀不正之禮。非所以尊厚

共皇也。

孔光等請定迭毀議

永光五年制書高皇帝爲太祖。孝文皇帝爲太宗。建昭五年制書孝武皇帝爲世宗。損益之禮不敢有與臣愚以爲迭毀之次當以時定。非令所爲。擅議宗廟之意也。臣請與羣臣雜議。

劉歆毀廟議

臣聞周室旣衰。四夷並侵。儉狁最疆。於今匈奴是也。至宣王而伐之。詩人美而頌之。曰薄伐儉狁。至於太原。又曰嘽嘽推推。如霆如雷。顯允方叔。征伐儉狁。荆

兵以除害
可祀

蠻來威故稱中興及至幽王犬戎來伐殺幽王取宗
器自是之後南夷與北狄交侵中國不絕如綫春秋
紀齊桓南伐楚北伐山戎孔子曰微管仲吾其被髮
左衽矣是故棄桓之過而錄其功以爲伯首及漢興
冒頓始強破東胡禽月氏并其土地地廣兵疆爲中
國害南粵尉佗總百粵自稱帝故中國雖平猶有四
夷之患且亡寧歲一方有急三面救之是天下皆動
而被其害也孝文皇帝厚以貨賂與結和親猶侵暴
亡已甚者興師十餘萬衆近屯京師及四邊歲發屯
備虜其爲患久矣非一世之漸也諸侯郡守連匈奴

兵以振聵
可祀

破虜一意
撫民可祀

及百粵。以爲逆者非一人也。匈奴所殺郡守都尉。畧
取人民。不可勝數。孝武皇帝愍中國罷勞。亾安寧之
時。乃遣大將軍驃騎伏波樓船之屬。南滅百粵。起七
郡。北攘匈奴。降昆邪。十萬之衆。置五屬國。起朔方。以
奪其肥饒之地。東伐朝鮮。起玄菟。藥浪。以斷匈奴之
左臂。西伐大宛。并三十六國。結烏孫。起敦煌。酒泉。張
掖。以隔婼羌。裂匈奴之右肩。單于孤特。遠遁於幕北。
四垂亡事。斥地遠境。十餘郡。功業旣定。乃封丞相爲
富民侯。以大安天下。富實百姓。其規撫可見。又招集
天下賢俊。與協心同謀。興制度。改正朔。易服色。立天

地之祠建封禪殊官號存周後定諸侯之制永亡逆
爭之心至今累世賴之單于守藩百蠻服從萬世之
基也中興之功未有高焉者也高帝建大業爲太祖
孝文皇帝德至厚也爲文太宗孝武皇帝功至著也
爲武世宗此孝宣帝所以發德音也禮記王制及春
秋穀梁傳天子七廟諸侯五大夫三士二天子七日
而殯七月而葬諸侯五日而殯五月而葬此喪事尊
卑之序也與廟數相應其文曰天子三昭三穆與太
祖之廟而七諸侯二昭二穆與太祖之廟而五故德
厚者流光○德薄者流卑○春秋左氏傳曰名位不同禮

亦異數自上以下降殺以兩禮也七者其正法數可
常數者也宗不在此數中宗變也苟有功德則宗之
不可預爲設數故於殷太甲爲太宗太戊曰中宗武
丁曰高宗周公爲毋逸之戒舉殷三宗以勸成王繇
是言之宗亡數也然則所以勸帝者之功德博矣以
七廟言之孝武皇帝未宜毀以所宗言之則不可謂
亡功德禮記祀典曰夫聖王之制祀也功德於民則
祀之以勞定國則祀之能救大災則祀之竊觀孝武
皇帝功德皆兼而有焉凡在於異姓猶將特祀之況
於先祖或說天子五廟亡見文又說中宗高宗者宗

其道而毀其廟名與實異非尊德貴功之意也詩云
蔽芾甘棠勿剪勿伐召伯所爰思其人猶愛其樹況
宗其道而毀其廟乎迭毀之禮自有常法。亾殊功異
德。固以親疎相推及至祖宗之序。多少之數。經傳。亾
明文。至尊至重。難以疑文虛說定也。孝宣皇帝舉公
卿之議。用衆儒之謀。旣以爲世宗之廟。建之萬世。宣
布天下。臣愚以爲孝武皇帝功烈如彼。孝宣皇帝崇
立之如此。不宜毀。

按元光五年武帝策諸儒制曰蓋聳上古之治書
衣冠異章服而民不犯陰陽和五穀登六畜蕃甘

露降風雨時嘉禾興朱少生山不童澤不涸麀鳳
在郊藪龜龍游於沼河洛出圖書父不喪子兄不
哭弟北發渠搜南撫交趾舟車所至人迹所及跂
行喙息咸得其宜朕甚嘉之令何道而臻乎此子
大夫修先聖之術明君臣之義講論洽諷有聲乎
當世敢問子大夫天○人○之○道○何○所○本○始○吉○凶○之○效○
安○所○期○焉○禹湯水旱厥咎何由仁義禮知四者之
宜當安設施屬統垂業物鬼變化天命之符廢興
何如天文地理人事之紀子大夫習焉其悉意正
議詳具其對著之於篇朕將親覽焉靡有所隱夫

計效宏濶開封禪之漸矣太史公曰今上封禪其
後十二歲而還徧於五岳四瀆矣而方士之候俟
人入海求蓬萊終亡有驗而公孫卿之候神者猶
以大人之跡爲解亡有效天子益忌厭方士之怪
迂語矣然羈縻不絕冀遇其真自此之後方士言
神祠者彌衆然其效可睹矣

師丹上哀帝書

古者諒闇不言聽於冢宰三年亡改於父之道前大
行尸柩在堂而官爵臣等以及親屬赫然皆貴寵封
舅爲陽安侯皇后尊號未定豫封父爲孔鄉侯出侍

中王邑射聲校尉王邛等詔書北下變動政事卒暴
亡。漸臣縱不能明陳大義復曾不能牢讓爵位相隨
空受封侯增益陛下之過。間者郡國多地動水出流
殺人民日月不明五星失行此皆舉錯失中號令不
定法度失理陰陽溷濁之應也。臣伏惟人情無子年
雖六七十猶博取而廣求。孝成皇帝深見天命燭知
至德以壯年克已立陛下爲嗣。先帝暴棄天下而陛
下繼體四海安寧百姓不思此先帝聖德當合天人
之功也。臣聳天威不違顏咫尺願陛下深思先帝所
以建立陛下之意且克已躬行以觀群下之從化天

下者陛下之家也。肺腑何患不富貴？不安倉卒先帝不量臣愚，以爲太傅陛下以臣託師傅故，亡功德而備鼎足封大國，加賜黃金位爲三公，職在左右，不能盡忠補過，而令庶人竊議災異數見，此臣之大罪也。臣不敢言乞骸骨，歸於海濱，恐嫌於僞，誠慙負重責，義不得不盡死。

西漢皇太子之文

四皓說建成侯

高

四人相商。曰：凡來者，皆以存太子。太子將兵事。

太子將兵有功，則位不益；太子亡功，還則從此受禍。

危矣。

矣。且太子所與俱諸將，皆嘗與上定天下，梟將也。今

使太子將之。此亡異。使羊將狼也。皆不肯爲盡力。其
亡功必矣。臣聳毋愛者。子抱今戚夫人。日夜侍御。趙
王如意常抱居前。上曰。終不使不肖子居愛子之上。
明乎其代太子位必矣。君何不急請呂后承間爲上。
泣言。黥布天下猛將也。善用兵。今諸將皆陛下故等
夷。乃令太子將此屬。亡異。使羊將狼。莫肯爲用。且使
布聳之。則鼓行而西耳。上雖病。強載輜車臥而獲之。
諸將不敢不盡力。上雖苦爲妻子自強。

於是呂澤立
夜見后如四

只用論火易

人意

大臣謀立代王

惠

朱虛侯首先斬呂產于是太尉勃等乃得盡誅諸呂而琅瑯王亦從齊至長安大臣議欲立齊王而琅瑯王及大臣曰齊王母家駟鈞惡戾虎而冠者也方以呂氏故幾亂天下今又立齊王是欲復爲呂氏也代王母家薄氏君子長者且代王又親高帝子于今見在且最爲長以子則順以善人則大臣安於是大臣乃謀迎立代王而遣朱虛侯以誅呂氏事告齊王令罷兵

中尉宋昌議

羣臣之議皆非也。夫秦失其政。諸侯豪傑並起。人人

自以爲得之者以萬數。然卒踐天子之位者劉氏也。
天下絕望一矣。高帝封王子弟。地犬牙相制。此所
謂磐石之宗也。天下服其強二矣。漢興除秦苛政。約
法令施惠德。人人自安。難動搖三矣。夫以呂太后之
嚴立諸呂爲三王。擅權專制。然而太尉以一節入北
軍。一呼士皆左袒爲劉氏。叛諸呂。卒以滅之。此乃天
授非人力也。今大臣雖欲爲變。百姓弗爲使。其黨寧
能專一邪。方今內有朱虛東牟之親。外畏吳楚淮南
琅琊齊代之強。方今高帝子獨淮南王與大王。大王
父長賢聖仁孝。聳於天下。故大臣因天下之心而欲

迎立大王大王勿疑也

有司請建太子奏

文

晁錯請教
皇太子以
術數規干
戾太子之
事言非不
讐不可訓
矣

古者殷周有國治安皆千餘歲古之有天下者莫不
長焉用此道也立嗣必子所從來遠矣高帝親率士
大夫始平天下建諸侯為帝者太祖諸侯王及列侯
始受國者皆亦為其國祖子孫繼嗣世世弗絕天下
之大義也故高帝設之以撫海內今釋安建而更選
於諸侯及宗室非高帝之志也更議不宜子某最長
賈誼早論教與選左右之也
純厚慈仁請建以為太子

御史光等請立三王疏

武

御史臣光等尚書令丞非下御史書到言丞相臣青
翟御史大夫臣湯太常臣充太行令臣息太子少傅
臣安行宗正事昧死上言大司馬去病上疏曰陛下
過聽使臣去病待罪行間宜專邊塞之思慮暴骸中
塹以報乃敢惟它議以干用事者誠見陛下憂勞
天下哀憐百姓以自忘虧膳貶樂損郎員皇子賴天
能勝衣趨拜至今臣號位師傅官陛下恭讓不卹羣
臣私望不敢越職而言臣竊不勝犬馬心昧死願陛
下詔有司因盛夏吉時定皇子位唯願陛下幸登制
曰下御史臣謹與中二千石二千石臣賀等議古者

分地立國並建諸侯以承天子所以尊宗廟重社稷也今臣去病上疏不忘其職因以宣恩乃道天子卑讓自貶以勞天下慮皇子未有號位臣青翟臣湯等宜奉義遵職愚僮而不逮事方今盛夏吉時臣青翟臣湯等昧死請立皇立臣閼臣且臣胥爲諸侯王昧死請所立國名

莊青翟等請立三王奏

丞相臣青翟御史大夫臣湯昧死言臣謹與列侯臣嬰齊中二千石二千石臣賀諫大夫博士臣安等議曰伏莽周封八百姬姓並列奉承天子康叔以祖考

顯伯禽以周公立威爲建國諸侯以相傳爲輔百官
奉憲各遵其職而國統備矣竊以爲並建諸侯所以
重社稷者四海諸侯各以其職奉貢祭支子不得奉
祭宗祖禮也封建使守藩國帝王所以扶德施化陛
下奉承天統明開聖緒尊賢顯功興滅斷絕續蕭文
終之後於鄩褒厲羣臣平津侯等昭六親之序明天
地之屬使諸侯王封君得推私恩分子弟戶邑錫號
尊建百有餘國而家皇子爲列侯則尊卑相踰列位
失序不可以垂統于萬世臣請立臣閼臣且臣胥爲
諸侯王

莊青翟再請立三王奏

臣青翟臣湯博士臣將行等大聞康叔親屬有十武
王繼體周公輔成王共八人皆以祖考之尊建爲大
國康叔之年幼周公在三公之位而伯禽據國於魯
蓋爵命之時未至成人康叔後扞祿父之難伯禽殄
淮夷之亂昔五帝異制周爵五等春秋三等皆因時
而序尊卑高皇帝撥亂世反諸正昭至德定海內封
建諸侯爵位二等皇子或在襁褓而立爲諸侯王奉
承天子爲萬世法則不可易陛下躬親仁義禮行聖
德表裏文武顯慈孝之行廣賢能之路內褒有德外

討強暴極臨北海西奏月氏匈奴西域舉國奉師與
械之費不賦於民虛御月之藏以賞元戎開禁倉以
賑貧窮減戍卒之半百蠻之君靡不鄉風承流稱意
遠方殊俗重譯而朝澤及方外故珍獸至嘉穀興天
應甚彰今諸侯支子封至諸侯王而家皇子爲列侯
臣青翟臣湯等竊伏孰計之皆以爲尊卑失序使天
下失望不可臣請立臣閼臣旦臣胥爲諸侯王

莊青翟請擇日立三王奏

陛下讓文武躬自切及皇子未教群臣之議儒者稱
其術或諄其心陛下固辭弗許家皇子爲列侯臣青

翟等竊與列侯臣壽成等二十七人議皆以爲尊卑失序高皇帝建天下爲漢太祖王子孫廣支輔先帝法則弗改所以宣至尊也臣請令史官擇吉日具禮儀上御史奏與地圖它皆如前故事始請立繼再請廷之事莫大于此立此日擇日朝

戾太子謝江克書

非愛車馬誠不欲令上聳之以教勅亡素者惟江君寬之

趙王彭祖訟太子丹書

充逋逃小臣苟爲奸譌激怒聖朝欲取必於萬乘以

復私怨。後雖烹醢計。猶不悔。臣願選從趙國勇敢士。從軍擊匈奴。極盡死力。以贖丹罪。

壺關三老救太子書

臣聞父者猶天。母者猶地。子猶萬物也。故天平地安。陰陽和調。物乃茂盛。父慈母愛。室家之中。子乃孝順。陰陽不和。則萬物夭傷。父子不和。則室家喪亡。昔者虞舜孝之至也。而不中於瞽瞍。孝已被謫。伯奇放流。骨肉至親。父子相疑。何者。積毀之所生也。由是觀之。子亡不孝。而父有不察。今皇子爲漢適嗣。承萬世之業。體祖宗之重。親則皇帝之宗子也。江充布衣之人。

聞聞之隸臣耳。陛下顯而用之。銜至尊之命。以迫覺
皇太子。造飾奸詐。群邪錯謬。是以親戚之路。隔塞而
不通。太子進則不得上見。退則困於亂。臣獨冤結而
亡告。不忍忿忿之心。起而殺充。恐懼逋逃。子盜父兵。
以救難自免耳。臣竊以爲無邪心。詩曰。營營青蠅。止
於藩。豈弟君子。無信讒言。讒言罔極。交亂四國。往者
江充。讒殺趙太子。天下莫不聞其罪。固宜陛下不省
察。深過太子。發盛怒。舉大兵而求之。三公自將。智者
不敢言。辨士不敢說。臣竊痛之。臣聞子胥盡忠而忘
其號。比干盡仁而遺其身。忠臣竭誠。不顧鈇鉞之誅。

以陳其愚志在匡君安社稷也詩云取彼譖人投畀
豺虎唯陛下寬心慰意少察所親母患太子之非亟
罷兵甲無令太子久亡臣不勝惓惓出一旦之命待
罪建章闕下

霍光請立病已奏

昭

人○道○親○親○故○尊○祖○尊○祖○故○敬○宗○太○宗○亡○嗣○擇○支○子○孫○
賢○者○爲○嗣○孝○武○皇○帝○曾○孫○病○已○武○帝○時○有○詔○掖○庭○養○
視○至○今○年○十○八○師○授○詩○論○語○孝○經○躬○行○節○儉○慈○仁○愛○
人○可○以○嗣○孝○昭○皇○帝○後○奉○承○祖○宗○廟○子○萬○姓○臣○昧○死○

以聞

丙吉上霍光奏記

將軍○事○孝○武○皇○帝○受○襁○褓○之○屬○任○天○下○之○寄○孝○昭○皇○
帝○蚤○崩○亡○嗣○海○內○憂○懼○欲○亟○聞○嗣○主○發○喪○之○日○以○大○
誼○立○後○所○立○非○其○人○復○以○大○誼○廢○之○天○下○莫○不○服○焉○
方○今○社○稷○宗○廟○羣○生○之○命○在○將○軍○之○壹○舉○竊○服○聽○於○
衆○庶○察○其○所○言○諸○侯○宗○室○在○位○列○者○未○有○所○聞○於○民○
間○也○而○遺○詔○所○養○武○帝○曾○孫○名○病○已○在○掖○廷○外○家○者○
吉○前○使○居○郡○邸○時○見○其○幼○少○至○今○十○八○九○矣○通○經○術○
有○美○才○行○安○而○節○和○願○將○軍○詳○大○議○參○耆○龜○丞○宜○褒○
顯○先○使○入○侍○令○天○下○昭○然○知○之○然○後○決○定○大○策○天○下○

幸甚

定陶王謝書

成

臣幸得繼父守藩。爲諸侯王。材質不足以假充太子之宮。陛下聖德寬仁。敬承祖宗。奉順神祇。宜蒙福祐。子孫千億之報。臣願且得留國邸。旦夕奉問起居。俟有聖嗣歸國守藩。

帝每留神藩國。河平三年。慰楚王詔。楚王囂素行孝順仁慈之國。以來二十餘年。纖介之過。未嘗聞。今離於惡疾。夫行純茂而不顯異。則爲國者將何勗哉。益封臨城縣四千三百戶。○又復東平別地。

詔王改行自新。尊修經術。親近仁人。非法之求。不以奸吏。其復所削縣如故。○谷永請勿治梁王疏。爲宗室刷污亂之耻。可謂戚戚兄弟。莫遠具爾。布德意甚盛矣。

西漢藩國之文

趙王餓歌

高后

諸呂用事。兮劉氏危。迫脇王侯。兮強授我妃。我妃旣妬。兮誣我以惡。讒女亂國。兮上曾不寤。我無忠臣。兮何故棄國。自決中塗。兮蒼天舉直。于嗟不可悔。兮寧蚤自材。爲王而餓死。兮誰者憐之。呂氏絕理。兮託天。

報仇。

召趙王至邸弗予食其羣臣或竊餽輒議論之

厲王報仇請罪

惠

跡奇語壯

臣母不當坐趙事其肯辟陽侯力能得之呂后弗爭
罪一也趙王如意子母亡罪呂后殺之辟陽侯弗爭
罪二也呂后王諸呂欲以危劉氏辟陽侯弗爭罪三
也臣謹爲天下誅賊臣辟陽侯報母之仇謹伏闕下
請罪

薄昭予淮南厲王書

竊○聳○大○王○剛○直○而○勇○慈○惠○而○厚○貞○信○多○斷○是○天○以○聖○
人○之○資○奉○大○王○也○甚○盛○不○可○不○察○今○大○王○所○行○不○稱○

天資皇帝初卽位易侯邑在淮南者大王不肯皇帝
卒易之使大王得三縣之實甚厚大王以未嘗與皇
帝相見求入朝見未畢昆弟之歡而殺列侯以自爲
名皇帝不使吏與其間赦大王甚厚法二千石缺輒
○張○蒼○等○勅○奏○不○用○漢○法○及○所○置○吏○
言漢補大王逐漢所置而請自置相二千石皇帝聽
天下正法而許大王甚厚大王欲屬國爲布衣守冢
真定皇帝不許使大王毋失南面之尊甚厚大王宜
日夜奉法度修貢職以稱皇帝之厚德今乃輕言恣
行以負謫於天下甚非計也夫大王以千里爲宅居
以萬民爲臣妾此高皇帝之厚德也高帝蒙霜露沐

風雨赴矢石。埜戰攻城。身被創痍。以爲子孫成萬世之業。艱難危苦甚矣。大王不思先帝之艱苦。日夜恻

惕修身正行。養犧牲。豐粢盛。奉祭祀。以亡忘先帝之

又挽

功德。而欲屬國爲布衣。甚過。且夫貪讓國土之名。輕

廢先帝之業。不可以言孝。爲父之基。而不能守。不賢。

不求守長陵。而求之真定。先母後父。不誼。數逆天子

之令。不順言節行。以高兄亡禮。幸臣有罪大者立斷。

小者肉刑。不仁。貴布衣一劔之任。賤王侯之位。不知。

不學問。大道觸情妄行。不祥。此八者危亡之路也。而

大王行之。棄南面之位。奮諸賁之勇。常出入危亡之

路臣之所見高皇帝之神必不廟食於大王之手明
矣昔者周公誅管叔放蔡叔以安周齊桓殺其弟以
反國秦始皇殺兩弟遷其母以安秦項王亡代高帝
奪之國以便事濟北舉兵皇帝誅之以安漢故周齊
行之於古秦漢用之於今大王不察古今之所以安
國便事而欲以親戚之意望於太上不可得也亡之
諸侯游宦事人及舍匿者論皆有法其在王所吏主
者坐今諸侯子爲吏者御史主爲軍吏者中尉主客
出入殿門者衛尉大行主諸從蠻夷來歸誼及以亡
名數自古者內史縣令主相欲委下吏亡與其禍不

可○得○也○王○若○不○改○漢○繫○大○王○邸○論○相○以○下○爲○之○奈○何○
夫○墮○父○大○業○退○爲○布○衣○所○哀○幸○臣○皆○伏○法○而○誅○爲○天○
下○笑○以○羞○先○帝○之○德○甚○爲○大○王○不○取○也○室○急○敗○操○易○
行○上○書○謝○臯○曰○臣○不○幸○蚤○失○先○帝○少○孤○呂○氏○之○世○未○
嘗○忘○死○陛○下○卽○位○臣○怙○恩○德○驕○盈○行○多○不○軌○追○念○臯○
過○恐○愆○伏○地○待○誅○不○敢○起○皇○帝○聞○之○必○喜○大○王○昆○弟○
歡○欣○于○上○羣○臣○皆○得○延○壽○於○下○上○下○得○宜○海○內○常○安○
願○孰○計○而○疾○行○之○行○之○有○疑○禍○如○發○矢○不○可○追○已○

吳王濞約膠西王卬書

景

漢廷臣方議削吳吳王濞恐削地亡已因以此發謀

欲舉事念諸侯亡足與計謀者聿膠西王勇好氣喜
真諸齊皆憚畏于是乃使中大夫應高詵膠西王亡
文書口報曰吳王不肖有宿夕之憂不敢自外使喻
其驪心王曰何以教之高曰今者主上興于奸飾於
邪臣好小善聽讒賊擅變更律令侵奪諸侯之地徵
求滋多誅罰良善日以益甚里語有之祗糠及米吳
與膠西知名諸侯也一時見察恐不得安肆矣吳王
身有內病不能朝請二十餘年嘗患見疑亡以自白
今脅肩累足猶思不見釋竊聿大王以爵事有適所
聿諸侯削地卑不至此此恐不得削地而已王曰然

有之子將奈何高曰同惡相助同好相留同情相成
同欲相趨同利相死今吳王自以爲與大王同憂順
因時循理棄軀以除患害於天下億亦可乎王瞿然
駭曰寡人何敢如是今主上雖急固有死耳安得不
戴高曰御史大夫鼂錯熒惑天子侵奪諸侯蔽忠塞
賢朝廷疾怨諸侯皆有倍畔之意人事極矣彗星出
蝗蟲數起此萬世一時而愁勞聖人之所以起也故
吳王欲內以鼂錯爲討外隨大王後車徜徉天下所
鄉者降所指者下天下莫敢不服大王誠幸而許之
一言則吳王率楚王略函谷關守滎陽敖倉之粟距

漢兵治次舍須大王大王有幸而臨之則天下可分
兩主分割不亦可乎王曰善高歸報吳王吳王猶恐
其不與乃身自爲使使於膠西面結之羣臣或聳王
謀諫曰承一帝至樂也今大王與吳西鄉第令事成
兩主分爭患乃始結諸侯之地不足爲漢郡什二而
爲畔逆以憂太后非長策也王弗聽遂發使約齊菑
川膠東濟南濟北皆許諾而曰城陽景王有義攻諸
呂勿與事定分之耳

吳少將桓將軍說王

吳多步兵步兵利險漢多車騎車騎利平地願大王

所過城邑不下直棄去疾西據雒陽武庫食倉敖粟
阻山河之險以令諸侯雖毋入關天下固已定矣卽
大王徐行畱下城邑漢軍車騎至馳入梁楚之郊事
敗矣

枚乘重諫吳王

晉秦西舉胡戎之難北備榆中之關南距羌苻

西南夷

之塞東當六國之從六國秉信陵之藉明蘇秦之約

厲荆軻之威并力一心以備秦然秦卒禽六國滅其

社稷而并天下是何也則地利不同而民輕重不等

也今漢據全秦之地兼六國之衆修戎狄之義而南

如此情事
可為條暢
嚴明憂衍
七發以興
窠竇謂之
何哉

朝羗祚此其與秦地相什而民相百大王之所明知也。今夫讒諛之臣爲大王計者不論骨肉之義民之輕重國之大小以爲吳禍此臣所以爲大王患也。夫舉吳兵以訾於漢譬猶蛇蚋之附羣牛腐肉之齒利劒鋒接必無事矣。天下聳吳率失職諸侯願責先帝之遺約。今漢親誅其三公。錯以謝前過是大王威加於天下而功越於湯武也。夫吳有諸侯之位而實富於天子而有隱匿之名。僻在東南而居過於中國。夫漢并二十四郡十七諸侯方輸錯出。方軌而輸雜出貢賦軍行數千里不絕於郊其珍怪不如山東之府。吳王藏轉粟西鄉

陸行不絕水行滿河不如海陵之倉修治上林雜以
離宮積聚玩好園守禽獸不如長洲之苑游曲臺臨
上路不如朝夕之池深壁高壘副以關城不如江淮
之險此臣之所爲大王樂也今大王還兵疾歸尚得
十半不然漢知吳之有吞天下之心也赫然加怒遣
羽林黃頭循江而下襲大王之都魯東海絕吳之饒
道梁王飾車騎習戰射積粟固守以備滎陽待吳之
飢大王雖欲反都亦不得已夫三淮南之計不負其
約齊王殺身以滅其迹四國不得出兵其郡趙囚邯
鄲此不可掩也已明矣今大王已去千里之國而制

於十里之內矣張羽韓安將北地在吳軍之北弓高候韓頽當

宿左右宿軍左右兵不得下壁軍不得太息臣竊哀之願

大孰察焉

鄒陽諫吳王書

臣聳秦倚曲臺之宮懸衡天下畫地而人不犯兵加胡越至其晚節末路張耳陳勝連從兵之據以叩函谷咸陽遂危何則列郡不相親萬室不相救也今胡數涉北河之外上覆飛鳥下不見伏兔闕城不休救兵不止死者相隨輦車相屬轉粟流輸千里不絕何則彊趙責於河間六齊悼惠王六子望於惠后城陽王喜顧

於盧博

濟北王治處

三淮南之心

三子屬王

思墳墓大王不憂

臣恐救兵之不專胡馬遂進窺於邯戰越水長沙還

舟青陽

各水

雖使梁并淮陽之兵下淮東越廣陵以遏

越人之糧漢亦折西河而下北守漳水以輔大國胡

亦益進越亦益深此臣之所爲大王患也臣脊蛟龍

驤首奮翼則浮雲出流霧雨咸集聖王底節修德則

游談之士歸義思名今臣盡智畢議易精極慮則無

國而不可奸飾固陋之心則何王之門不可曳長裾

乎然臣所以歷數王之朝背淮千里而自致者非惡

臣國而樂吳民也竊高下風之行尤說大王之義故

願大王亡忽察聽其至臣聞驚鳥累百不如一鶚大

全趙之時

趙后分爲三

武力鼎士

舉鼎之士

衽服叢臺之下者

一旦成市不能止幽王之湛患

呂后殺之

淮南連山東之

俠死士盈朝不能還厲王之西也然則計議不得雖

諸賁不能安其位亦明矣故願大王審畫而已始孝

文皇帝據關入立寒心銷志未明求衣自立天子之

後使東牟朱虛東哀義父之後深割嬰兒王之壤子

王梁代益以淮陽卒仆濟北囚弟於雍者豈非象新

垣平等哉今天子新據先帝之遺業左規山東右制

關中變權易執大臣難知大王弗登臣恐周鼎復起

於漢新垣過計於朝則我吳遺事不可期於世矣高
皇帝燒棧道灌章邯兵不畱行收敝民之倦東馳函
谷西楚大破水攻則章邯以亡其城陸擊則項王以
失其地此皆國家之不幾者也願大王孰察之

鄒陽獄中上梁王書

臣聞忠亡不報信不見疑臣常以爲然徒虛語耳昔
者荆軻慕燕丹之義白虹貫日太子畏之衛先生爲
秦畫長平之事太白蝕昴昭王疑之夫精誠變天地
而信不論兩主豈不哀哉今臣盡忠竭誠畢議願知
左右不明卒從吏訊爲世所疑是使荆軻衛先生復

引事段段

有結續之

言忠而無

曰於曰至
豈足道哉
總足言自
旨如新傾
蓋如故之
意

起而燕秦不悟也願大王孰察之昔玉人獻寶楚王

忠而無報

誅之李斯竭忠胡亥極刑是以箕子佯狂接輿避世
恐遭此患願大王察玉人李斯之意而後楚王胡亥
之聽無使臣爲箕子接輿所笑臣聞比干剖心子胥
鳴夷臣始不信乃今知之願大王孰察少加憐焉語
曰白頭如新傾蓋如故何則知與不知也故樊於期
逃秦之燕藉荆軻首以奉丹事王奢去齊之魏臨城
自剄以却齊存魏夫王奢樊於期非新於齊秦而故
於燕魏也所以去二國死兩君者行合於志而慕義
無窮也卽以蘇秦不信於天下爲燕尾生白圭戰亡

燕新故

燕新故

前已略提
後復詳說

亦是文字

一法與黃

歇上秦書

同

慙嫉妬之

不容則寧

隱

六城爲魏取中山何則誠有以相知也蘇秦相燕人

惡之於燕王燕王按劍而怒食以駃騠白圭顯於中

山人惡之於魏文侯文侯投以夜光之璧何則兩主

二臣剖心析肝相信豈移於浮辭哉故女亡美惡入

燕新故

宮見妬士亡賢不肖入朝見嫉昔者司馬喜臙脚於

宋宰相中山范雎摺脇折齒於魏卒爲應侯此二人

者皆信必然之畫捐朋黨之私挾孤獨之交故不能

自免於嫉妬之人也是以申徒狄蹈雍之河徐衍負

石入海不容身於世義不苟取比周於朝以移主上

傾蓋而故

之心故百里奚乞食於路穆公委之以政甯歲飯牛

以賦體為
文體非體
也喜其大
有閑鎖故
氣格不走

百頭而新

車下而桓公任之以國此二人者豈素宦於朝借譽
於左右然後二主用之哉感於心合於意堅如膠漆
昆弟不能離豈惑於衆口哉故偏聽生奸獨任成亂
昔魯聽季孫之說逐孔子宋信子冉之計因墨翟夫
以孔墨之辨不能自免於讒諛而二國以危何則衆
口鑠金積毀銷骨也是以秦用戎人由余而霸中國
齊用越人子臧而彊威宣此二國豈拘於俗牽於世
繫阿偏之辭哉公聽並觀垂明當世故意合則胡越
為昆弟由余子臧是矣不合則骨肉為讐敵朱象管
、上、原、無、朱、象、管、蔡、忽、漫、出、對、

蔡是矣今人主誠能用齊秦之明後宋魯之聽則五

德有功之
受禍則寧

伯不足侔三王易爲比矣是以聖王覺悟捐子之之

白頭如新

傾蓋而故

心而不說田常之賢封比干之後修孕婦之墓故功

業覆于天下何則欲善亾厭也夫晉文公親其讐而

傾蓋而故

彊伯諸侯齊桓公用其仇而一匡天下何則慈仁殷

勤誠嘉於心此不可以虛辭借也至夫秦用商鞅之

法東弱韓魏立強天下而卒車裂之越用大夫種之

謀禽勁吳而伯中國遂誅其身是以孫叔敖三去相

而不悔於陵子仲辭三公爲人灌園今人主誠能去

驕傲之心懷可報之意披心腹見情素矧肝胆施德

厚終與之窮達亡愛於士則衆之犬可使吠堯而跽

之客可使刺由何況因萬乘之權假聖王之資乎然

則荆軻湛七族要離燔妻子豈足爲大王道哉臣聞

自○此○至○末○總○言○无○固○而○結○怨○見○容○而○對○功○之○意○

明月之珠夜光之璧以暗投人於道衆莫不按劍相

盼何則亡因而至前也蟠木根柢輪囷離奇而爲萬

乘器者何則以左右先爲之容也故亾因而至前雖

出隋侯之珠夜光之璧祇足結怨而不見德有人先

談則枯木朽株樹功而不忘今天下布衣窮居之士

身在貧羸雖蒙堯舜之術挾伊管之辯懷龍逢比干

之意欲盡忠當世之君而素亡根柢之容雖竭精神

欲開忠信輔人主之治則人主必襲按劍相盼之迹

逸思奇能
出人意外

復說一遍
更有味

不、先、容、二、不、親

矣是使布衣之士不得為枯木朽株之資也是以聖

王制世御俗獨化於陶鈞之上而不牽乎卑辭之語

不奪乎衆多之口故秦皇帝任中庶子蒙嘉之言以

先容而生禍無因而建功

信荆軻之說而七首竊發周文王獵涇渭載呂尚而

歸以王天下秦信左右而亡周用烏集而王何則以

其能越拘攣之語馳域外之議獨觀於昭曠之道也

必、先、容、乃、親

今人主沈諂諛之辭牽於帷牆之制使不羈之士與

牛驥同皁此鮑焦所以忿於世而不畱富貴之樂也

臣聞盛飾入朝者不以私污義砥礪名號者不利

傷行故里名勝母曾子不入邑號朝歌墨子迴車今

德用之必
出先容則
字隱

欲使天下恢廓之士誘於威重之權脇於位勢之貴

稍重二明義不苟取此周

回面汚行以事誦諛之人而求親近於左右則士有
伏死堀穴岩藪之中耳安有盡忠信而趨闕下者哉
孫月峰評其意淒愴其詞瑰瑋其氣豪宕真千古
奇作雖使字太多間有重複然急迫中求動人主
言之不足故重言之要自不爲冗史公美其比物
連類誠然大約亦微似賦體耳

鼂錯說上削吳書

昔高帝初定天下昆弟少諸子弱太封同姓故孽子
悼惠王王齊七十二城庶弟元王王楚四十城兄子

鼂父曰
氏安矣而
見氏危矣
善去公歸

王吳五十餘城封三庶孽分天下半今吳王前有太
子之隙詐稱病不朝於古法當誅文帝不忍因賜几
杖德至厚也不改過自新乃益驕恣公卽山鑄錢煮
海爲鹽誘天下亾人謀作亂逆今削之亦反不削亦
反削之其反亟禍小不削之其反遲禍大

史記○无其○字○

六年減笞詔曰加笞者或至死而笞未畢朕甚憐
之又曰笞所以教之也其定箠令不敢于笞而敢
於殺失刑之中歟○龜策傳神至能見夢于元王
而不能自出漁者之籠身能卜言盡當不能通使
於河還報於江賢能令人戰勝攻取不能自解於

刀鋒免剝刺之患。聖能先知。亟見而不能令術乎。
言言事不全。至身而學。當皆不利。又焉事賢。此亦
智囊之鑒。

吳王發兵令

寡人年六十二。身自將。少子年十四。亦爲士卒。先諸
年上與寡人比。下與少子等者。皆發。

吳王遺諸侯反書

吳王劉濞敬問膠西王膠東王菑川王濟南王趙王
楚王淮南王衡山王廬江王故長沙王子幸教寡人
以漢有賊臣。亡功天下。侵奪諸侯地。使吏劫繫訊治。

以、僂、辱、之、爲、故、不、以、諸、侯、人、君、禮、遇、劉、氏、骨、肉、紀、年、
帝、功、臣、進、任、奸、宄、誅、亂、天、下、欲、危、社、稷、陛、下、多、病、志、
失、不、能、省、察、欲、舉、兵、誅、之、謹、叅、教、敝、國、雖、挾、地、方、三、
千、里、人、雖、少、精、兵、可、具、五、十、萬、寡、人、素、事、南、越、三、十、
餘、年、其、王、君、皆、不、辭、分、其、率、以、隨、寡、人、又、可、得、三、十、
餘、萬、寡、人、雖、不、肖、願、以、身、從、諸、王、越、直、長、沙、者、因、王、
子、定、長、沙、以、北、西、走、蜀、漢、中、告、越、楚、王、淮、南、三、王、與、
寡、人、西、面、齊、諸、王、與、趙、王、定、河、間、河、內、或、入、臨、晉、關、
或、與、寡、人、會、雒、陽、燕、王、趙、王、固、與、胡、王、有、約、燕、王、北、
定、代、雲、中、博、胡、衆、入、蕭、關、走、長、安、匡、正、天、子、以、安、高、

廟願王勛之楚元王子淮南三王或不沐浴十餘年
怨入骨髓欲一有所出之久矣寡人未得諸王之意
未敢聽令諸王苟能存亡繼絕振弱伐暴以安劉氏
社稷之所願也敝國雖貧寡人節衣食之用積金錢
修兵革聚穀食夜以繼日三十餘年矣寡人金錢在
天下者達達而有非必取於吳諸王日夜用之弗能
盡有當賜者苦寡人寡人且往遣之敬以聞

以金錢誘人其人不久矣○藩國之文自有體無
論反書卽如中山靖王聞樂對自比文王孔子爲
又稱兄何其無禮

莊芷告淮南陰事書

毒藥苦於口利於病患言逆於耳利於行今淮南王
孫。建。材。能。高。淮。南。王。王。后。荼。荼。子。太。子。遷。常。疾。害。建。
建。父。不。害。亡。罪。擅。數。捕。繫。欲。殺。之。今。建。在。可。徵。問。其
知淮南陰事

膠西王端淮南臯議

淮南王安廢法行邪懷詐僞心以亂天下熒惑百姓
倍畔宗廟妄作妖言春秋曰臣亡將將而謀安罪重
於將謀反形已定臣端所見其書節印圖及它逆亡
道事驗明白甚大逆亡道當伏其法而論國吏二百

石以上及此者。宋室近幸臣不在法中者。不能相赦。當皆免削削爵爲士伍。毋得宦爲吏。其非吏它贖死金二斤八兩。以章臣安之罪。使天下明知臣子之道。毋敢復有邪僻倍畔之意。

王父偃推恩疏

古者諸侯地不過百里。疆弱之形易制。今諸侯或連城數十。地方千里。緩則驕。急則阻。其疆而合。從以逆京師。今以法割削。則逆節萌起。前月鼂錯是也。今諸侯子弟或十數。而適嗣代立。餘雖骨肉亡尺地之封。則仁孝之道不宣。願陛下令諸侯得推

帝所謂聖
留除害耘
粗海內如
何可也

恩○分○子○弟○以○地○侯○之○彼○人○人○喜○得○所○願○上○以○德○施○實○
分○其○國○必○稍○自○銷○弱○矣○

燕王旦爲丁外人求爵書

昭

子路喪姊○募而不除○孔子非之○子路曰由不幸寡兄
弟不忍除之○故曰觀過知仁○今臣與陛下獨有長公
主爲姊○陛下幸使丁外人侍之外人宜蒙爵號○

燕王旦令欲橋邪防非章聞揚和誰欺平

燕王請宿衛疏

昔秦據南面之位制一世之命威服四夷○輕弱骨肉○
顯重異族○廢道任刑○無恩宗室○其後尉佗人南夷陳○

涉呼楚澤近狎作亂內外俱發趙氏無炊火焉高皇
帝覽蹤跡觀得失見秦建本非是故改其路規土連
城布王子孫是以支葉扶疏異姓不得間也今陛下
承明繼成委任公卿羣臣連與成朋非毀宗室庸受
之愆日騁於廷惡吏廢法立威主恩不及下究臣叢
武帝使中郎將蘇武使匈奴見畱二十年不降還直
爲典屬國今大將軍長史敞亡勞爲搜粟都尉又將
軍都郎羽林道上移蹕太官先置臣旦願歸符璽入
宿衛東漢多借爲兵端答奸臣之變

王吉戒昌邑王書

伏議

臣聞高宗諒闇三年不言今大王以喪事徵宜日夜

哭泣悲哀而已慎亡有所發且何獨喪事凡南面之

君何言哉天不言四昔行焉百物生焉願大王察之

大將軍仁愛勇智忠信之德天下莫不聳事孝武皇

帝二十餘年未嘗有過先帝棄羣臣屬以天下寄幼

孤焉大將軍抱持幼君襁褓之中布政施教海內晏

然雖周公伊尹以加也今帝崩亡嗣大將軍惟思

可以奉宗廟者攀援而立大王其仁厚豈有量哉臣

願大王事之敬之政事壹雅之大王垂拱南面而已

願留意常以爲念

吉疏百姓頗廢耕桑治道牽馬又曰恩愛行義維
介有不具者於以上聳非國家之福也

張敞諫昌邑王書

孝昭皇帝蚤崩。亡嗣。大臣憂思。選賢聖。承祖宗。東迎
之日。唯恐屬車之行遲。今天子以盛年初卽位。天下
莫不拭目傾耳。觀化聽風。國輔大臣。未褒而昌邑小
輦先遷。此過之大者也。

霍光廢昌邑王奏

丞相臣敞。大司馬大將軍臣光等。昧死言。皇太后陛下
下臣敞等頓首死。臯天子所以求保宗廟。總一海內。

者以慈孝禮誼賞罰爲本。孝昭皇帝蚤棄天下，亡嗣
臣敞等議禮曰：爲人後者爲之子也。昌邑王宜嗣後，
遭宗正大鴻臚光祿大夫奉節使徵昌邑王，典喪服，
斬衰，亾悲哀之心，廢禮誼，居道上，不素食，使從官略
女子載衣車內，所居傳舍，始至謁見，立爲皇太子。常
私買鷄豚以食，受皇帝信璽，行璽太行前，就次發璽，
不封。從官更持節引內昌邑，從官騶宰官奴二百餘
人，常與居襟闔內，敖戲自之。符璽取節十六朝，莫臨
令從官更持節從爲書曰：皇帝問侍中君卿使中御
令昌邑奉黃金千斤，賜君卿取十妻。大行在前殿。

發樂府樂器引內昌邑樂人擊鼓歌吹作俳倡會下
還上前殿擊鐘磬召內泰壹宗廟樂人輦道牟首鼓
吹歌舞悉奏衆樂發長安厨三太牢具祠閣室中祀
已與從官飲啗駕法駕皮軒鸞旗驅馳北宮桂宮弄
蕤闌虎召皇太后御小馬車使官奴騎乘遊戲掖庭
中與孝昭皇帝宮人蒙等淫亂詔掖庭令敢洩言要
斬取諸侯王列侯二千石綬及墨綬黃綬以并佩昌
邑郎官者免奴變易節上黃旄以赤發御府金錢刀
劔玉器采繪賞賜所與遊戲者與從官官奴夜飲湛
沔於酒詔太宮上乘輿食如故食監奏未釋服未可

御故食。復詔太官趣具。亡關食監。太官不敢具。即使
從官出買鷄豚。詔殿門內以爲常。獨夜設九賓溫室。
延見姊夫昌邑關內侯祖宗。祠未舉爲璽書使使
者持節以三太牢祠昌邑哀王園廟。稱嗣子皇帝受
璽。以來二十七日。使者旁午持節詔諸官署徵發。凡
千一百二十七事。文學光祿大夫夏侯勝等及侍中
傅嘉數進諫以過失。使人薄責勝。縛嘉繫獄。荒淫迷
惑。失帝王禮誼。亂漢制度。臣敞等數進諫。不變更。日
以益甚。恐危社稷。天下不安。臣敞等謹與博士臣霸
臣雋。舍臣德。臣虞。舍臣射。臣翁。頓首曰。高皇帝建功

業爲漢太祖孝文皇帝慈仁節儉爲太宗今陛下嗣
孝昭皇帝後行淫辟不軌詩云藉曰未知亦旣抱子
五辟之屬莫大不孝周襄王不能事母春秋曰天王
出居于鄭繇不孝出之絕之於天下也宗廟重於君
陛下未見命高廟不可以承天序奉祖宗廟子萬姓
當廢臣請有司御史大夫臣誼宗正臣德大常臣昌
與太祝以一大牢具告祠高廟臣敞等昧死以聞

張敞條昌邑王書

宣

臣敞地節三年五月視事故昌邑王居故宮奴婢在
中者百八十三人閉大門開小門廉吏一人爲領錢

物、市、買、朝、納、食、物、它、不、得、出、入、督、盜、一、人、別、主、微、循、
訾、違、來、者、以、王、家、錢、取、卒、邈、宮、清、中、備、盜、賊、臣、敞、數、
遣、丞、吏、行、察、四、年、九、月、中、臣、敞、入、視、居、處、狀、故、王、年、
二、十、六、七、爲、人、青、黑、色、小、目、鼻、末、銳、卑、少、須、眉、身、體、
長、大、疾、痿、行、步、不、便、衣、短、衣、大、袴、冠、惠、文、冠、珮、玉、環、
簪、筆、持、牘、趨、謁、臣、敞、與、坐、語、中、庭、閱、妻、子、奴、婢、臣、敞、
欲、動、觀、其、意、卽、以、惡、鳥、感、之、曰、昌、邑、多、梟、故、王、應、曰、
然、前、賀、西、至、長、安、殊、亡、梟、復、來、東、至、濟、陽、乃、復、脊、梟、
聲、臣、敞、閱、至、子、女、持、轡、故、王、跪、曰、持、轡、母、嚴、長、孫、女、
也、臣、敞、故、知、執、金、吾、嚴、延、年、字、長、孫、女、羅、紉、前、爲、故、

王妻察故王衣服言語跪起清狂不惠妻十六人子
二十二人其十一人男十一人女昧死奏名籍及奴
婢財物簿臣敞前書言昌邑哀王歌舞者張修等十
人無子又非姬但良人無官名王薨當罷歸太傅豹
等擅留以爲哀王園中人所不當得爲請罷歸故王
聞之曰中人守園疾者當勿治相殺傷者當勿法欲
令亟死太守奈何而欲罷之其天資喜由亂亡終不
見仁義如此

張敞諫膠東太后書

臣聳秦王好淫聲葉陽后爲不聽鄭衛之樂楚嚴好

田獵樊姬爲不食鳥獸之肉口非惡旨甘耳非憎絲
竹也所以抑心意絕嗜欲者將以率二君而全宗祀
也禮君母出門則乘輜輶下堂則從傅母進退則鳴
玉佩內飾則結綢繆此言尊貴所以自歛制不從恣
之義也今太后資質淑美慈愛寬仁諸侯莫不背而
少以田獵縱欲爲名於以上聿亦未宜也唯觀覽於
往古全行乎來今令后姬得有所法則下臣有所稱
誦臣敞幸甚

許皇后上成帝書設妾欲作某屏風張於某所曰
故事亡有或不能得則必繩妾以詔書矣妾尚貴

時猶以不急事操人斯言也何其不自斂制

淮陽王欽復報張博書

〔元〕

廼者詔下止諸侯朝者寡人憊然不知所出子高素有顏冉之資臧武之智子貢之辯卞莊子之勇兼此四者世之所鮮既開端緒願卒成之求朝義事也奈何行金錢乎

王鳳爲東平王求諸子太史公書對

〔成〕

臣聞諸侯朝聘考文章正法度非禮不言今東平王幸得來朝不思制節謹度以防危失而求諸書非朝聘之義也諸子書或反經術非聖人或明鬼神信物

怪太史公書有戰國從橫權譎之謀。漢興之初。謀臣
奇策。天官災異。地形阨塞。皆不宜在諸侯王。不可予
不許之辭。宜曰。五經聖人所制。萬事靡不畢載。王審
樂道。傳相皆儒者。旦夕講誦。足以正身。虞意。夫小辨
破義。小道不通。致遠恐泥。皆不足以留意。諸益於經
術者。不愛於王。

何武論內史奏

往者諸侯王斷獄治政。內史典獄事。相總綱紀。輔王
中尉備盜賊。令王不斷獄。與政中尉官罷職。并內史
郡國守相委任。所以一統信。安百姓也。今內史位卑

漢法之得
行於諸國
也如此

而權重威職相踰不統尊者難以爲治臣請相如太
守內史如都尉以順尊卑之序平輕重之權

方賞移梁傅相中尉書

哀

王背策戒諄暴妄行連犯大辟毒流吏民比比蒙恩
不伏重誅不思改過復賊殺人幸得蒙恩丞相長史
大鴻臚丞卽問王陽病抵譴置辭驕嫚不肯主令與
背畔亾異丞相御史請收王璽綬送陳留獄明詔加
恩復遣廷尉大鴻臚雜問今王當受詔置辭恐復不
首實對書曰至于再三有不用我降爾命傅相中尉
皆以輔正爲職虎兕出於匣龜玉毀於匱中是誰之

飢寒飢寒在身。則亡廉恥。寇賊奸宄所繇生也。臣愚
以爲陰陽者王事之本。羣生之命。自古賢聖未有不
繇者也。天子之義必純。取法天地而觀於先聖高皇
帝。所述書天子所服第八曰大謁者。臣章受詔長樂
宮曰。令群臣議天子所服以安治天下。相國臣何御
史大夫臣昌謹與將軍臣陵太子太傅臣通等議。春
夏秋冬天子所服當法天地之數。中得人和。故自天
子王侯有土之君。下及兆民。能法天地順四時以治
國家。身亾禍殃。年壽永究。是奉宗廟安天下之大禮
也。臣請決之中謁者趙堯舉春。李舜舉夏。倪湯舉秋。

貢禹舉冬四人各職一省大謁者襄章奏制曰可孝
文皇帝時以二月施恩惠於天下賜孝弟力田及罷
軍卒祠死事者頗非時節御史大夫朝錯時爲天子
家令奏言其狀臣相伏念陛下恩澤甚厚然而災氣
未息竊恐詔令有未合當省者也願陛下選明經通
知陰陽者四人各主一省時至明言所職以和陰陽
天下幸甚

蕭望之雨雹對

春秋昭公三年大雨雹是昔季氏專權卒逐昭公卿
使魯君察於天變宜以此害今陛下以聖德居位思

彼群枉之
聚西漢最
顯百

引詩書春
秋易論語
凡二十二
絕無架處

政求賢堯舜之用心也然而美祥未臻陰陽不和是大臣任政一姓擅執之所致也附枝大者賊本心私家盛者公室危唯明主躬萬機選同姓舉賢材以爲腹心與叅政謀令公卿大臣朝見奏事明陳其職以考功能如是則庶事理公道立奸邪塞私權廢矣

劉向條異封事

臣前幸得以骨肉備九卿奉法不謹乃復蒙恩竊見災異並起天地失常徵表爲國欲終不言念忠臣雖在叨竊猶不忘君惓惓之義也況重以骨肉之親又加以舊恩未報乎欲竭愚誠又恐越職然惟二恩未

報忠臣之義一杼愚意退就農畝死所恨臣聳舜
命九官濟濟相讓和之至也衆賢和於朝則萬物和
於一引埜故簫韶九成而鳳皇來儀擊石拊石百獸率舞
四海之內靡不和寧及至周文開基西郊雜遝衆賢
罔不肅和崇推讓之風以銷分爭之訟文王既沒周
公思慕歌詠文王之德其詩曰於穆清廟肅雍顯相
濟濟多士秉文之德當此之昔武王周公繼政朝臣
和於內萬國歡於外故盡得其驩心以事其先祖其
三引詩曰有來雍雍至止肅肅相維辟公天子穆穆言四
方皆以和來也諸侯和於下天應報於上周頌曰降

福穰穰又曰飴我釐麤釐麤麥也始自天降此皆以
和致和獲天助也下至幽厲之際朝廷不和轉相非
怨詩人疾而憂之曰民之亡良相怨一方衆小在位
而從邪議歛歛相是而背君子故其詩曰歛歛訾訾
亦孔之哀謀之其臧則具是違謀之不臧則具是依
君子獨處守正不撓衆枉勉強以從王事則反見憎
毒讒愬故其詩曰密勿從事不敢告勞無臯無辜讒
口謦謦當是之時日月薄蝕而亡光其詩曰朔日辛
卯日有蝕之亦孔之醜又曰彼月而微此日而微今
此下民亦孔之哀又曰日月鞠凶不明其行四國主

七引

引

六引

八引

九引

遼應衆賢
和于朝二
句

揔得妙

政不用其良天變見於上地變動於下水泉沸騰山
谷易處其詩曰百川沸騰山冢卒崩高岸爲谷深谷
爲陵哀今之人胡憯莫懲霜降失節不以其昔其詩
曰正月繁霜我心憂傷民之訛言亦孔之將言民以
是爲非甚衆大也此皆不和賢不肖易位之所致也
自此之後天下大亂篡殺歿禍並作厲王奔彘幽王
見殺至平王末年魯隱之始卽位也周大夫祭伯
乖離不和出奔於魯而春秋爲諱不言來奔傷其禍
殃自此始也是後尹氏世卿而專恣諸侯皆畔而不
朝周室卑微二百四十二年之間日食三十六地震

古文奇賞

卷七

西漢災異之文

三

劉向

五山林崩弛二彗星三見夜常星不見夜中星隕如雨一火災十四長狄入三國五石隕墜六鵠退飛多麋有蜮蜚鸛鵒來巢者皆一見晝冥晦雨水冰李梅冬實七月霜降草木不死八月殺菽大雨雹雨雷霆失序相乘水旱飢喙螽蟊蝻蝻午並起當是時禍亂輒應弑君三十六亡國五十二諸侯奔走不得保其社稷者不可勝數也周室多禍晉敗其師於貿戎伐其郊鄭傷桓王戎執其使衛侯朔召不往齊逆命而助朔五大夫爭權三君更立莫能正理遂至陵夷不能復興由此觀之和氣致祥乖氣致異祥多者其國安

與衆者其國危天地之常經古今之通義也今陛下
開三代之業招文學之士優游寬容使得並進今賢
不肖渾殽白黑不分邪正襍揉忠讒並進章交公車
人滿北軍朝臣舛午膠戾乖刺更相讒愬轉相是非
傳授增加文書紛糾前後錯謬毀譽渾亂所以營惑
耳目感移心意不可勝載分曹爲黨往往群朋將同
心以陷正臣正臣進者治之表也正臣陷者亂之機
也乘治亂之機未知孰任而災異數見此臣所以寒
心者也夫乘權藉勢之人子弟鱗集於朝羽翼陰附
者衆輻湊於前毀譽將必用以終乖離之咎是以日

月無光雪霜夏隕海水沸出陵谷易處列星失行皆
怨氣之所致也夫遵哀周之軌迹循詩人之所刺而
欲以成太平致雅頌猶郤行而求及前人也初元以
來六年矣按春秋六年之中災異未有稠如今日者
也夫有春秋之異無孔子之救猶不能解紛況甚於
春秋乎原其所以然者讒邪並進也讒邪之所以並
進者由上多疑心既已用賢人而行善政如或譖之
則賢人退而善政還夫執狐疑之心者來讒賊之口
持不斷之意者開羣枉之門讒邪進則衆賢退羣枉
盛則正士消故易有否泰小人道長君子道消君子

道消則政日亂故爲否否者閉而亂也若子道長小

人道消小人道消則政日治故爲泰泰者通而治也

十四引

詩又云雨雪麇麇見睍聿消與易同義昔者鯀共工

驩兜與舜禹雜處堯朝周公與管蔡並居周位當是

昔迭進相毀流言相謗豈可勝道哉帝堯成王能賢

舜禹周公而消共工管蔡故以大治榮華至今孔子

與季孟偕仕於魯李斯與叔孫俱宦於秦定公始皇

賢季孟李斯而消孔子叔孫故以大亂污辱至今故

治亂榮辱之端在所信任信任既賢在於堅固而不

十五引

移詩云我心匪石不可轉也言守善篤也易曰渙汗

十六引

重提翻字
妙甚

其大號言號令如汗汗出而不反者也今出善令未

能踰時而反是反汗也用賢未能三旬而退是轉石

也十七引論語曰見不善如探湯今二府奏佞調不當在位

歷年而不去故出令則如反汗用賢則如轉石去佞

則如拔山如此望陰陽之調不亦難乎是以羣小窺

見間隙緣飾文字巧言醜詆流言飛文譁于民間故

詩云憂心悄悄慍于羣小小人成羣誠足恤也昔孔

子與顏淵子貢更相稱譽不爲朋黨禹稷與皋陶傳

相汲引不爲比周何則忠於爲國無邪心也故賢人

在上位則引其類而聚之於朝十九引易曰龍飛在天大人

爲戒以上
皆一一應

聚也在下位則思與其類俱進易曰拔茅茹以其彙
征吉在上則引其類在下則推其類故湯用伊尹不
仁者遠而衆賢致類相致也今佞邪與賢臣並主交
戢之內合黨共謀違善依惡歛歛訛訛數設危險之
言欲以傾移主上如忽然用之此天地之所以先戒
災異之所以重至者也自古明聖未有亡誅而治者
也故舜有四放之罰而孔子有兩觀之心然後聖化
可得而行也今以陛下明知誠深思天地之心近察
兩觀之誅覽否泰之卦觀雨雪之詩歷周唐之所進
以爲法原秦魯之所消以爲戒考祥應之福省災異

前漢人論
事多如此

確論

之禍以揆當世之變放達佞邪之黨壞散險詖之聚。
杜閉羣枉之門。廣開衆正之路。決斷狐疑。分別猶豫。
使是非炳然可知。則百異消滅而衆祥並至。太平之
基萬世之利也。臣幸得託肺腑誠見陰陽不調不敢
不通所聞竊推春秋異災以救今事。一二條其所以
不直宜洩臣謹重封昧死上

劉向論星孛山崩疏

臣聞帝舜戒伯禹毋若丹朱。敖周公戒成王毋若殷
王紂。詩曰殷鑒不遠在夏后之世。亦言湯以桀爲戒。
也。聖帝明王常以敗亂自戒。不諱廢興。故臣敢極陳

其愚唯陛下留神察焉謹案春秋二百四十二年日
食三十六法襄公尤數率三歲五月有奇而一食漢興
訖竟寧孝景帝尤數率三歲一月而一食臣向前數
言日當食今連三年比食自建始以來二十歲間而
八食率二歲六月而一發古今罕有異有小大希稠
亦有舒疾緩急而聖人所以斷疑也易曰觀乎天文
以察時變昔孔子對魯哀公並言夏桀殷紂暴虐天
下故歷失則攝提失方孟陬亡紀此皆易姓之變也
秦始皇之末至二世時日月薄食山陵淪亡辰星出
於四孟太白經天而行亡雲而雷枉矢夜光熒惑襲

月、孽、火、燒、宮、野、禽、戲、廷、都、門、內、崩、長、人、見、臨、洮、石、隕、
于、東、都、星、孛、大、角、大、角、以、亡、觀、孔、子、之、言、考、暴、秦、之、
異、天、命、信、可、畏、也、及、項、籍、之、敗、亦、孛、大、角、漢、之、入、秦、
五、星、聚、于、東、井、得、天、下、之、象、也、孝、惠、時、有、雨、血、日、食、
於、衝、滅、光、星、見、之、異、孝、昭、嘗、有、泰、山、臥、石、自、立、上、林、
僵、柳、復、起、大、星、如、月、西、行、衆、星、隨、之、此、爲、特、異、孝、宣、
興、起、之、表、天、狗、夾、漢、而、西、久、陰、不、雨、者、二、十、餘、日、昌、
邑、不、終、之、異、也、皆、著、於、漢、紀、觀、秦、漢、之、易、世、覽、惠、昭、
之、亾、後、察、昌、邑、之、不、終、視、孝、宣、之、紹、起、天、之、去、就、豈、
不、昭、昭、然、哉、高、宗、成、王、亦、有、雉、雉、拔、木、之、變、能、思、其、

故高宗有百年之福成王有復風之報神明之應
應若影嚮世所同聞也臣幸得託末屬誠見陛下寬
明之德冀銷大異而興高宗成王之聲以崇劉氏故
狼、狼、數、奸、死、亡、之、誅、今日食尤屢星孛東井攝提炎
及紫宮有識長老莫不震動此變之大者也其事難
一二記故易曰書不盡言言不盡意是以設卦指爻
而復說義書曰倅來以圖天文難以相曉臣雖圖上
猶須口說然後可知願賜清燕之間指圖陳狀

京房上封事

元

辛酉以來蒙氣衰去太陽精明臣獨欣然以爲陛下

有所定也。然少陰倍力而乘消息。臣疑陛下雖行此
道。猶不得如意。臣竊悼懼。守陽平侯。鳳欲見。未得至。
巳卯。臣拜爲太守。此言上雖明。不猶勝之効也。臣出
之後。恐必爲用事所蔽。身死而功不成。故願歲盡。乘
傳奏事。蒙哀見許。乃辛巳。蒙氣復乘卦。太陽侵色。此
上大夫覆陽而上意疑也。巳卯庚辰之間。必有欲隔
絕臣。令不得乘傳奏事者。

京房翼奉皆諳陰陽。房云。試弟子。不若試師。奉云。
猶巢居知風。穴處知雨。亦不足多。適所習耳。亡乃

自多乎哉。

翼奉上封事

事曰左星
大后之事
也其法大
水極陰生
陽反為大
旱甚則有
水災春秋
宋伯姬是
矣

臣聞之於師治道要務在知下之邪正人誠鄉正雖
愚為用若乃懷邪知益為害知下之術在於六情十
二律而已北方之情好也好行貪狼申子主之東方
之情怒也怒行陰賊亥卯主之貪狼必待陰賊而後
動陰賊必待貪狼而後用二陰並行是以王者忌子
卯也禮經避之春秋諱焉南方之情惡也惡行廉貞
寅午主之西方之情喜也喜行寬大巳酉主之二陽
行是以王者吉午酉也詩曰吉日庚午上方之情樂
也樂行奸邪辰未主之下方之情哀也哀行公正戌

丑主之辰未屬陰。戌丑屬陽。萬物各以其類應。今陛下明聖虛靜以待物。至萬物雖衆何聳而不諭。豈況乎執十二律而御六情。於以知下參實。亦甚優矣。萬不失一自然之道也。乃正月癸未日加申。有暴風從西南來。未主奸邪。申主貪狼風。以太陰下抵建。前是人主左右邪臣之氣也。平昌侯比三來見臣。皆以正辰加邪。昔辰爲客。時爲主人。以律知人情。王者之秘道也。愚臣誠不敢以語邪人。

杜欽日食地震對

成

陛下畏天命。悼變異。延見公卿。舉直言之士。將以求

天心迹得失也臣欽愚讜經術淺薄不足以奉大對
臣聞日蝕地震陽微陰盛也臣者君之陰也子者父
之陰也妻者夫之陰也夷狄者中國之陰也春秋日
食三十六地震五或夷狄侵中國或政權在臣下或
婦乘夫或臣子背君父事雖不同其類一也臣竊觀
人事以考變異則本朝大臣亡不自安之人外戚親
屬○亾○乖○刺○之○心○關○東○諸○侯○無○彊○大○之○國○三○垂○蠻○夷○亡○
逆○理○之○節○殆○爲○後○宮○何○以○言○之○日○以○戊○申○蝕○昔○加○未○
戊○未○土○也○土○者○中○宮○之○部○也○其○夜○地○震○未○央○宮○殿○中○
此○必○適○妾○將○有○爭○寵○相○害○而○爲○患○者○唯○陛○下○深○戒○之○

變感以類相應人事失於下變象見於上能應之以
德則異咎消亡不能應之以善則禍敗至高宗遭雉
雉之戒飭已正事享百年之壽殷道復興要在所以
應之應之非誠不立非信不行宋景公小國之諸侯
耳有不忍移禍之誠出人君之言三熒惑爲之退舍
以陛下聖明內推至誠深思天變何應而不感何搖
而不動孔子曰仁遠乎哉唯陛下正后妾抑女寵防
奢泰去佚游躬節儉親萬事數御安車由輦道親二
宮之養膳致昏晨之定省如此卽堯舜不足與比隆
咎異何足消滅

谷永復上災異疏

方今四夷賓服皆爲臣妾北無薰粥冒頓之患南無
趙佗呂嘉之難三垂晏然靡有兵革之警諸侯大者
乃食數縣漢吏制其權柄不得有爲亡吳楚燕梁之
訐百官盤互親疏相錯骨肉大臣有申伯之忠洞洞
屬屬小心畏忌亡重合安陽博陸之亂三者亡毛髮
之辜不可歸咎諸舅此欲以政事過差丞相父子中
尚書宦官檻塞大異皆瞽說欺天者也竊恐陛下令
昭昭之白過忽天地之明戒聽曉昧之瞽說歸咎乎
亡辜倚異乎政事重失天星不可之大者也陛下卽

位委任遵舊未有過政元年正月白氣較然起乎東方至其四月黃濁四塞復冒京師申以大水著以震飢各有占應相爲表裏百官庶士亡所歸倚陛下獨不怪與白氣起東方賤人將興之表也黃濁冒京師王道微絕之應也夫賤人當起而京師道微二者已醜陛下誠深察愚臣之言致懼天地之異長思宗廟之計改往反過抗湛溺之意解偏駁之愛奮乾剛之威平天覆之施使列妾得人人更進猶尚未足也急復益納宜子婦人母擇好醜母避害守母論年齒此天保有漢家使臣敢直言也三上封事然後得召待

詔一旬。然後得見。夫由疏賤納至忠甚苦。由至尊示腹心。大臣腹心。大臣以爲非天意。臣當伏妄言之誅。卽以爲誠天意也。奈何忘國家大本。背天意而從欲。唯陛下省咎。孰念厚爲宗廟計。

按成帝亦似能文。知學之主。如陽朔二年勸農詔曰。夫洪範八政。以食爲首。斯誠家給刑錯之本也。先帝勸農薄其租稅。寵其強力。令與孝弟同科。間者民彌惰怠。鄉本者少。趨末者衆。將何以矯之。方東作時。其令二千石勸農桑。出入阡陌。致勞來。

之書不云乎服田力穡乃亦有秋其勗之哉是知
急農桑也○永始四年勅列侯近臣省改奢僭詔
曰聖王明禮制以序尊卑異車服以章有德雖有
其財而亾其尊不得踰制故民興行上義而下利
方今世俗奢僭罔極靡有厭足公卿列侯親屬近
臣四方所則未遘修身遵禮同心憂國者也或乃
奢侈逸豫務廣第宅治園池多畜奴婢被服綺縠
設鐘鼓備女樂車服嫁娶葬埋過制吏民慕效寢
以成俗而欲望百姓儉節家給人足豈不難哉詩
不云乎赫赫師尹民具爾瞻其中勅有可以漸禁

之青綠民所常服且勿止列侯近臣各自省改司
隸校尉察不變者是知砥礪風俗也○綏和元年
立太子詔曰朕承太祖鴻業奉宗廟二十五年德
不能綏理宇內百姓怨恨者衆不蒙天祐至今未
有繼嗣天下亾所係心觀于往古近事之戒禍亂
之萌皆由斯焉定陶王欣於朕爲子慈仁孝順可
以承天序繼祭祀其立欣爲皇太子封中山王舅
諫大夫馮參爲宜鄉侯益中山國三萬戶以慰其
意賜諸侯王列侯金天下當爲父後者爵三老孝
弟力田帛各有差是知天下大本也○復東平削

地詔曰蓋聳仁以親親古之道也前東平王有關
有司請廢朕不忍又請削朕不敢專惟王之至親
未嘗忘於心今聳王改行自新尊修經術親近仁
人○非○法○之○求○不○以○奸○吏○朕○甚○嘉○焉○傳○不○云○乎○朝○過○
夕○改○君○子○與○之○其○後○前○所○削○縣○如○故○是○知○恤○藩○國
也○賜○翟○方○進○冊○曰○皇○帝○問○丞○相○君○有○孔○子○之○慮
孟○賁○之○勇○朕○嘉○與○君○同○心○一○意○庶○幾○有○成○惟○君○登
位○于○今○十○年○災○害○並○臻○民○被○飢○餓○加○以○疾○疫○溺○歾
關○門○北○開○失○國○守○備○盜○賊○黨○輩○吏○民○殘○賊○毆○殺○良
民○斷○獄○歲○歲○多○前○上○書○言○事○交○錯○道○路○懷○奸○朋○黨○

相爲隱蔽。皆亡忠慮。羣下兇兇相更嫉妬。其咎安在。觀君之治。亡欲輔朕富民便安。元元之念。間者郡國殺雖頗孰。百姓不足者尚衆。前去城郭。未能盡還。夙夜未嘗忘焉。朕惟往時之用。與今一也。百寮用度各有數。君不量多少。一聽羣下言。用度不足。奏請一切增賦稅。城郭墮及園田。過更算馬牛羊。增益鹽鐵。更變亡常。朕既不明。隨奏許可。後議者以爲不便。制詔下。君君云。賣酒醪。後請正。未盡。月復奏。令賣酒醪。朕誠怪君何持容容之計。亡忠固意。將何以輔朕。帥道群下而欲久蒙顯尊之位。

豈不難哉。傳曰：高而不危，所以長守貴也。欲退君位，尚未忍君其孰念詳計。塞絕奸原，憂國如家務，便百姓以輔朕。朕既已改君其自思，強食慎職，便尚書令賜君上尊酒十石，養牛一君，審處焉。是知察下也。○報許皇后書曰：皇帝問皇后所言事，貴之。夫日者衆陽之宗，天光之貴，王者之象。人君之位也。夫以陰而侵陽，虧其正體，是非下陵上。妻乘夫賤，踰貴之變。與春秋二百四十二年變異爲衆。莫若日食。大自漢興，日食亦爲呂霍之屬。見以今揆之，豈有此等之效。與諸侯相迫，漢制收相執持。

之也。又安獲齊趙七國之難。將相大臣。褻誠秉忠。唯義是從。又惡有上官博陸宣成之謀。若乃徒步豪桀。非有陳勝項梁之羣也。匈奴夷狄。非有冒頓郅支之倫也。方外內鄉。百蠻賓服。殊俗慕義。八州懷德。雖使有懷挾邪意。猶不足憂。又況其無乎。求於夷狄。無有求於臣下。無有微後宮也。當何以塞之。日者建始元年正月。白氣出於營室。營室者天子之後宮也。正月於尚書爲皇極。皇極者王氣之極也。白者西方之氣。其於春當廢。今正於王極之月。興廢氣於後宮。視后妾亡。能懷任保全者。以著

繼嗣之微賤人蔣起也。至其九月流星如瓜出於
文昌貫紫宮尾委曲如龍臨於鉤陳。此又章顯前
尤著在內也。其後則有北宮井溢南流逆理數郡
水出流殺人民。後則訛言傳相驚震女童入殿咸
莫覺知。夫河者水陰四瀆之長。今乃大決沒漂陵
邑。斯昭陰盛盈溢。違經絕紀之應也。乃昔之月鼠
巢於針。埜鵲變色。五月庚子鳥焚於巢。太山之域
易曰。鳥焚其巢。旅人先笑後號咷。喪牛於易。凶。言
王者處民上。如鳥之處巢也。不顧卹百姓。百姓畔
而去之。若鳥之自焚其巢也。雖先快意說笑。其後

必號而亾及也。百姓喪其君若牛亡其毛也。故稱
凶。泰山王者易姓告代之處。今震於岱宗之山。甚
可。思也。三月癸未大風自西搖。祖宗寢廟揚裂帷
席。折拔封木。頓僵車輦。毀壞檻屋。災及宗廟。足爲
寒心。四月己亥日食東井。轉旋且索。與旣亡異。已
猶戊也。夷復水也。明陰盛咎在內。於戊己。虧君體
著。絕世於皇極。顯禍敗及京都。於東井變怪衆備
未重。益大來數益。甚成形之禍。月以迫切不救之
患。日寢婁深咎。灼灼若此。豈可以忽哉。書云高
宗彤日。粵有雉雉。祖己曰。惟先假王正厥事。又曰。

雖休勿休惟敬五刑以成三德卽飭椒房及掖庭耳是知災禍之本也惜乎飲醉吏民之家亂始女寵獄興炮烙陵寢宮室一皆並興而漢祚迄以不振矣

谷永黑龍見對

漢家行夏正夏正色黑黑龍同姓之象也龍陽德由小之大故爲王者瑞應未知同姓有見本朝亡繼嗣之慶多危殆之隙欲因擾亂舉兵而起者邪將動心冀爲後者殘賊不仁若廣陵昌邑之類臣愚不能處也元年九月黑龍見其時日有食之今年二月己未

星隕乙酉日有食之六月之間大異四發二而同
月三代之末春秋之亂未嘗有也臣聞三代所以隕
社稷喪宗廟者皆由婦人與羣惡沈湎於酒書曰乃
用婦人之言自絕於天四方之逋逃多皐是宗是長
是信是使詩云燎之方陽寧或滅之赫赫宗周褒姒
滅之易曰濡其首有孚失是秦所以二世十六年而
亡者養生泰麥奉終泰厚也二者陛下兼而有之臣
請略陳其效易曰在中饋无攸遂言婦人不得與事
也詩曰懿厥悲婦爲臯爲鳩匪降自天生自婦人建
始河平之際許班之貴傾動前朝熏灼四方賞賜亡

量空虛內藏。女寵至極。不可上矣。今之豫起。天所不
饗。什倍于前。廢先帝法度。聽用其言。官秩不當。縱釋
王誅。驕其親屬。假之威權。從橫亂政。刺舉之吏。莫敢
奉憲。又以掖庭獄大爲亂。阱榜箠瘖於炮烙。絕滅人
命。主爲趙李報德。復怨反除白罪。建治正吏。多繫無
辜。掠立迫恐。至爲人起責。分利受謝。生人死出者。不
可勝數。是以日食再旣。以昭其辜。王者必先自絕。然
後天絕之。陛下棄萬乘之至貴。樂家人之賤事。厭高
美之尊號。好匹夫之卑字。崇聚僇輕無義小人。以爲
私客。數離深宮之固。挺身晨夜。與羣小相隨。烏集雜

會飲醉吏民之家亂服共坐流酒媢嫚潤滑無別閑
免遁樂晝夜在路興門戶奉宿衛之臣執干戈而守
空宮公卿百寮不知陛下所在積數年矣王者以民
爲基民以財爲本財竭則下畔下畔則上亾是以明
王愛養基本不敢窮極使民如承大祭今陛下輕奪
民財不愛民力驅邪臣之計去高敞初陵捐十年功
緒改作昌陵反天地之性因下爲高積土爲山發徒
起邑並治宮館大興徃役重增賦歛徵發如雨役百
乾谿費疑驪山靡敝天下五年不成而後反故又廣
盱營表發人家墓斷截骸骨暴揚尸柩百姓財竭力

盡愁恨感天災異。婁降飢饉。仍臻流散。寔食餒死。於道以百萬數。公家亡半年之畜。百姓亡旬日之儲。上下俱匱乏。以相救。詩云。殷鑒不遠。在夏后之世。願陛下追觀夏商周所以失之。以鏡考已行。有不合者。臣當伏妄言之誅。漢興九世。百九十餘載。繼統之主七。皆承天順道。遵先祖法度。或以中興。或以治安。至于陛下獨違道縱欲。輕身妄行。當盛壯之降。亡繼嗣之福。有危亡之憂。積失君道。不合天意。亦已多矣。爲人後嗣。守人功業。如此。豈不負哉。方今社稷宗廟禍福安危之機。在於陛下。陛下誠肯察明聖之德。昭然達

是畏此上天之威怒深患危亡之徵兆蕩滌邪辟之
惡志厲精致政專心反道絕羣小之私客免不正之
詔除悉罷北宮私奴車馬嬖出之具克已復禮母貳
微行出飲之過以防迫切之禍深惟日食再旣之意
抑損椒房玉堂之盛寵母聽後宮之請謁除掖庭之
亂獄去炮烙之陷阱誅戮佞邪之臣及左右執左道
以事上者以塞天下之望且寢初陵之作止諸繕治
宮室闕更減賦盡休力役存恤振捄困乏之人以弭
遠方厲崇忠直放退殘賊母使素餐之吏久尸厚祿
以次貫行固執毋違夙夜孳孳婁省毋怠舊愆畢改

新德既章。纖介之邪。不復載心。則赫赫大異。庶幾可銷。天命去就。庶幾可復。社稷宗廟。庶幾可保。唯陛下留神反覆。熟省臣言。臣幸得備邊部之吏。不知本朝失得。瞽言觸忌。諱罪當萬死。

王章日食對

天道聰明。佑善而災惡。以瑞異爲符效。今陛下以未有繼嗣。引近定陶王。所以承宗廟。重社稷。上順天心。下安百姓。此正議善事。當有祥瑞。何故致災異。災異之發。爲大臣專政者也。今聳大將軍猥歸日食之咎。於定陶王。建遣之國。苟欲使天子孤立於上。專擅朝

事○以○便○其○私○非○忠○臣○也○且○日○蝕○陰○侵○陽○臣○顯○君○之○咎○
今○政○事○大○小○皆○自○鳳○出○天○子○曾○不○壹○舉○手○鳳○不○內○省○
責○反○歸○咎○善○人○推○達○定○陶○王○且○鳳○誣○罔○不○忠○非○一○事○
也○前○丞○相○與○樂○昌○侯○商○本○以○先○帝○外○屬○內○行○篤○有○威○
重○位○歷○將○相○國○家○柱○石○臣○也○其○人○守○正○不○肯○諂○節○隨○
鳳○委○曲○卒○用○閨○門○之○事○爲○鳳○所○罷○身○以○憂○死○衆○庶○愍○
之○又○鳳○知○其○小○婦○弟○張○美○人○已○嘗○適○人○於○禮○不○宜○配○
御○至○尊○託○以○爲○宜○子○內○之○後○宮○苟○以○私○其○妻○弟○聞○張○
美○人○未○嘗○任○身○就○館○也○且○羌○胡○尚○殺○首○子○以○盪○腸○正○
世○況○於○天○子○而○近○已○出○之○女○也○此○三○者○皆○大○事○陛○下○

所自見足以知其餘及它所不見者鳳不可令久典
事宜退使就第選忠賢以代之

王音雉雉奏

天地之氣以類相應謹告人君甚微而著雉者聽察
先聞雷聲故月令以紀氣經載高宗雉雉之異以明
轉禍爲福之驗今雉以博士行禮之日大衆聚會飛
集於庭歷階登堂萬衆睢睢驚怪連日徑三公之府
太常宗正典宗廟骨肉之官然後入宮其宿留告曉
人具備深切雖人道相戒何以過是

王音雉雉對

陛下安得亡國之語。不知誰主爲佞諂之計。誣亂聖德。如此者。左右阿諛甚衆。不待臣音復謂而足。公卿以下。保位自守。莫有正言。如今陛下覺寤懼大禍。且至身深責。臣下繩以漢法。臣音當先誅。豈有以自解哉。今卽位十五年。繼嗣不立。日日駕車而出。失行流奔。海內傳之。甚于京師。外有微行之害。內有疾病之憂。皇天數見災異。欲人變更。終已不改。天尚不能感動陛下。臣子何望。獨有極言待死。命朝暮而已。如有不然。老母安得處所。尚何皇太后之有。高祖天下當以誰屬乎。宜謀于賢知。克已復禮。以求天意。繼嗣可

立災異尚可消也

李尋災異對

哀

陛下聖德尊天敬地畏命重民悼懼變異不忘疏賤
之臣幸使重臣臨問愚臣不足以奉明詔竊見陛下

尋必知名

李尋金石
之筆漢家
有數文字

新卽位開大明除忌諱博延名士靡不並進臣尋位
卑術淺過隨衆賢待詔食太官衣御府久汗玉堂之
署此得召見亡以自效復特見延問至誠自以逢不
世出之命願竭愚心不敢有所避庶幾萬分有一可
采唯奔頌史之間宿留瞽言考之文雅稽之五經揆
之聖意以參天心天變興之來各應象而至臣謹條

日初出
後日中日
人以日視
主

陳所資易曰縣象著明莫大乎日月夫日者衆陽之
長輝允所燭萬里同啓人君之表也故日將旦清風
發羣陰伏君以臨朝不牽於色日初出炎以陽君登
朝佞不行忠直進不蔽障日中輝光君德盛明大臣
奉公日將入專以壹君就房有常節君不修道則日
失其度晻昧亾光各有云爲其於東方作日初出昔
陰雲邪氣起者法爲牽於女謁有所畏難日出後爲
近臣亂政日中爲大臣欺誣日且入爲妻妾役使所
營間者日尤不精光明侵奪失色邪氣珥蜺數作本
起於晨相連至昏其日出後至日中間差痛小臣不

傳曰易知
不修其身

不修其身

不修其身

論月

知。內。事。竊。以。目。視。陛。下。志。操。衰。於。始。初。多。矣。其。咎。恐。
有。以。守。正。直。言。而。得。臯。者。傷。嗣。害。世。不。可。不。慎。也。唯。
陛。下。執。乾。剛。之。惠。彊。志。守。度。母。聽。女。謁。邪。臣。之。態。諸。
保。阿。乳。母。甘。言。悲。辭。之。託。斷。而。勿。聽。勉。彊。大。誼。絕。小。
不。忍。良。有。不。得。已。可。賜。以。貨。財。不。可。私。以。官。位。誠。皇。
天。之。禁。也。日。失。其。光。則。星。辰。放。流。陽。不。能。制。陰。陰。桀。
得。作。間。者。太。白。正。晝。經。天。宐。隆。德。克。躬。以。執。不。軌。臣。
聳。月。者。衆。星。之。長。銷。息。見。伏。百。里。爲。品。千。里。立。表。萬。
里。連。紀。妃。后。大。臣。諸。侯。之。象。也。朔。晦。正。終。始。弦。爲。繩。
望。成。君。德。春。夏。南。秋。冬。北。間。者。月。數。以。春。夏。與。日。

同道過軒轅上后受氣入太微帝廷楊光輝犯上將
近臣列星皆失色厭厭如滅此爲母后與政亂朝陰
陽俱傷兩不相便外臣不知朝事竊信天文卽如此
近臣已不足杖矣屋大柱小可爲寒心唯陛下親求
賢士亡彊所惡以崇社稷尊彊本朝臣聞五星者五
行之精五帝司命應王者號令爲之節度歲星主歲
事爲統首號令所紀今失度而盛此君指意欲有所
爲未得其節也又填星不避歲星者后帝共政相留
於奎婁當以義斷之熒惑往來亡常周歷兩宮作態
仰卽入天門上明堂貫尾亂宮太白發越犯庫兵寇

之應也。貫黃龍入帝庭。當門而出。隨熒惑入天門。至
房而分欲。與熒惑爲患。不敢當明堂之精。此陛下神
靈故禍亂不成也。熒惑厥弛。佞巧依執。微言毀譽。進
類菽善。太白出端門。臣不有臣者。火入室。金上堂。不
以昔解其憂。凶填歲相守。又主內亂。宜察蕭牆之內。
毋忽親疎之微誅。放佞人防絕萌芽。以盪滌濁激消
散積惡。毋使得成禍亂。辰星主正四昔。當效於四仲。
四昔失序。則辰星作異。今出於歲首之孟天。所以譴
告陛下也。政急則出蚤。政緩則出晚。政絕不行。則伏
不見。而爲彗。第四孟皆出爲易。王命四季皆出。星家

歲帝順四

時月令詔

今公卿大

夫或不信

陰陽薄而

小之所奏

請多違時

數

所諱。今幸獨出寅孟之月。蓋皇天所以篤右陛下也。
宜深自改治國。故不可以戚戚。欲速則不達。經曰三。
載考績。三考黜陟。加以號令不順。四皆既住。不咎來。
事之師也。間者春三月治大獄。時賊陰立逆。恐歲小。
收季夏舉兵法。昔寒氣應。恐後有霜雹之災。秋月行。
封爵。其月土溫。與恐後有雷雹之變。夫以喜怒賞罰。
而不顧。皆禁雖有堯舜之心。猶不能致和。善言天者。
必有效於人。設上農夫而欲冬田肉袒深耕。汗出種。
之。然猶不生者。非人心不至。天皆不得也。易曰。皆止。
則止。肯行則行動靜不失其時。其道光明。書曰。敬授。

○論水溢

民時故古之王者尊天地重陰陽敬四時嚴月令順之以善政則和氣可立致猶枹鼓之相應也今朝廷忽於肯月之令諸侍中尚書近臣宜皆令通知月令之意設羣下請事若陛下出令有謬於時者當知爭之以順時氣臣竦五行以水爲本其星玄武婺女天地之紀終始所生水爲準平王道公正修明則百川理落脉通偏黨失綱則涌溢爲敗書云水曰潤下陰動而卑不失其道天下有道則河出圖洛出書故河洛決溢所爲最大今汝潁伏澮皆川水漂踊與雨水並爲民害此詩所謂靡靡震電不寧不令百川沸騰

論地震

者也。其咎在於皇甫卿士之屬。唯陛下留意詩人之言。少抑外親。大臣臣聳地道柔靜陰之常義也。地有上中下。其上位震應妃后不順中位應大臣作亂下位應庶民離叛震或於其國國君之咎也。四方中央連國歷州俱動者其異最大。問者關東地數震五星作異亦未大逆。宜務崇陽抑陰以救其咎。固志建威閉絕私路拔進英雋。退不任職以疆本朝。夫本疆則精神折衝本弱則招殃致凶。爲邪謀所陵聞往者淮南王作謀之時其所難者獨有汲黯。以爲公孫弘等不足言也。弘漢之名相於今亡比而尚見輕。何況亡

謝○王○根○神○災○異○全○是○此○意○

若經宋人
手三語必
衍于言

弘之屬乎故曰朝廷亡人則爲賊亂所輕其道自然
也天下未聞陛下奇策固守之臣也語曰何以知朝
廷之衰人人自賢不務於通人故世陵夷馬不伏歷
不可以趨道士不素養不可以重國詩曰濟濟多士
文王以寧孔子曰十室之邑必有忠信非虛言也陛
下秉四海之衆曾亾柱幹之固守聞於四境殆開之
不廣取之不明勸之不篤傳曰土之美者善養禾君
之明者善養士中人皆可使爲君子詔書進賢良赦
小過亡求備以博聚英雋如近世貢禹以言事忠切
蒙尊榮當此之時士厲身立名者多矣死之後日日

以衰及京兆尹王章坐言事誅滅智者結舌邪僞道
興外戚顓命君臣隔塞至絕繼嗣女宮作亂此行事
之敗誠可畏而悲也本在積任母后之家非一日之
漸往者不可及來者猶可追也先帝大聖深見天意
昭然使陛下奉承天統欲矯正之也宜少抑外親選
練左右舉有德行道術通明之士克備天官然後可
以輔聖德保帝位承大宗下至郎吏從官行能亡以
異又不通一藝及博士亡文雅者宜皆使就南畝以
視天下明朝廷皆賢材君子於以重朝尊君誠因致
安此其本也臣自知所言害身不避死亡之誅唯財

留神反覆愚臣之言

爲人主爲人臣豈可不日讀數遍○尋之談天讓
之談河漢文未易屈指行能亡異不通一藝博士
亡文雅者皆就南畝廟堂之上恐虛亡人耶分文
析字煩言碎詞保殘守缺挾恐見破學校如此仕
宦可知漢猶爾也後則如何

李尋與王根論災異書

沉怪鬱
書云天聰明益言紫宮極樞通位帝紀太微四門廣
開大道五經六緯尊術顯士翼張舒布臨四海少
微處士爲比爲輔故次帝廷女宮在後聖人永天賢

賢易色取法於此天官上相上將皆顓面正朝憂責甚重要在得人得人之效成敗之機不可不勉也昔秦穆公說譏譏之言任伋伋之勇身受大辱社稷幾亡悔過自責思惟黃髮任用百里奚卒伯西域德列王道二者禍福如此可不慎哉夫士者國家之大寶功名之本也將軍一門九侯二十朱輪漢興以來臣子貴盛未嘗至此夫物盛必衰自然之理唯有賢友彊輔庶幾可以保身命全子孫安國家書曰歷象日月星辰此言仰視天文俯察地理觀日月消息候星辰行伍揆山川變動參人民繇俗以制法度考禍福

舉錯諱逆咎敗將至徵兆爲之先見明君恐懼修正
側身轉問轉禍爲福不可救者卽蓄備以待之故社
稷亡憂竊見往者赤黃四塞地氣大發動土竭民天
下擾亂之徵也彗星爭明庶雄爲桀大寇之引也此
二者已頗效矣城中訛言大水奔走上城朝廷驚駭
女孽入宮此獨未效間者重以水泉湧溢旁宮闕仍
出月太白入東井犯積水缺天淵日數湛於極陽之
色羽氣乘宮起風積雲又錯以山崩地動河不用其
道盛冬雷電潛龍爲孽繼以隕星流彗維填上見日
食有背鄉此亦高下易居洪水之徵也不憂不收洪

水乃欃。盪滌滌流。彗乃欲掃除。改之則有年。亡期故屬者。頗有變改。小貶邪。猾日月光。精肯雨氣。應此皇天。右漢亡已也。何況致大改之。宜急博求幽隱。拔擢天士。任以大職。諸闡茸佞調。抱虛求進。及用殘賊酷虐。聳者若此之徒。皆嫉善憎忠。壞天文。敗地理。涌趯邪。陰湛溺。太陽爲主。結怨於民。宜以時廢退。不當得居位。誠必行之。凶災銷滅。子孫之福。不旋日而至。政治感陰陽。猶鍊炭之低卬。見效可信者也。及諸蓄水連泉。務通利之。修舊隄防。省池澤稅。以助損陰邪之盛。按行事考。變易訛言之效。未嘗不至。請徵韓放。拔周。

敵王望可與圖之。

王嘉應天對

臣聞動民以行不以言。應天以實不以文。下民微細。猶不可詐。況於上天神明而可欺哉。天之見異。所以敕戒人君。欲令覺悟。及正推誠行善。民心說而天意得矣。舜士見一端。或妄以意傳著。星歷虛造。匈奴烏孫西羌之難。謀動干戈。設爲權變。非應天之道也。守相有辜。車馳詣闕。交臂就死。恐懼如此。而談說者云。動安之危。舜口快耳。其實未可從。夫議政者。苦其調。使傾險。舜慧深刻也。調諛則主德毀。傾險則下怨恨。

易林天下
奇書也
此數語與
幻術者商
之或有願
觀其全與
太古並讀
者

辨慧則破正道深刻則傷恩惠昔秦繆公不從百里奚蹇叔之言以敗其師悔過自責疾誥誤之臣思黃髮之言名垂於後世惟陛下觀覽古戒反覆參考無以先入之語為主

焦貢易林

目憫足動喜如其願舉家蒙寵乘龍上天兩蛇爲輔踴躍雲中游觀滄海民樂安處河伯大呼津不得渡船空亡人往來亦難爲季求婦家在東海水長亡船不見欣歡氓伯以婚抱布自媒棄禮急情卒懼悔憂三夫共妻莫適爲雌子無名氏翁不可

知。蚤凋被霜花葉。不長非肯爲事家受其殃。山

林麓藪兆人所有。鳥獸亡禮使我心苦。佩王藻兮

亡所繫之旨酒。一盛莫與笑語。教羊牧兔使魚捕

鼠。任非其人費日亡功。文巧俗弊將反大質。僵死

如麻流血漂櫓。皆知其母不識其父。桑葉螟蝻衣

弊如絡女工不成。絲布爲玉。子鉏執麟春秋作陸

元聖將終尼父悲心。孤翁寡婦獨宿悲苦。目索耳

鳴亡與笑語。季姬踟躕結衿待時終。日至暮百兩

不來。土與山連終身亡患。天地高明萬歲長安。

肥得美。少鳴呼共友。九族和睦不憂飢乏。灼灼泉

游釣鯉山巔魚不可得火不肯然寄生亡根如過
浮雲立本不固斯須落去更爲枯樹朝生夕死名曰
嬰鬼不可得祀十鳥俱飛羿射九雌雄得獨全雖
驚不危望驥不來拘蹇爲憂雨驚我心風感我卽
敏教勁疾如猿升木彤弓雖調終不能獲秋風牽
手相提笑語伯歌季舞燕樂以喜魚如白雲一國
獲鯉龍隅求泉置雲影從河伯捧觴跪進酒漿流
潦滂滂火雖熾在我後寇雖多在我右身安吉不
危殆與福俱坐畜水備火終亡災禍視日再光
與天相望長生懽悅與福爲兄江河淮海天之都

市商人受福國家富有晨風文翰隨肯就溫雌雄
相和不憂殆危多虛少寔語不可知尊空亡酒飛
言如雨登堦上堂見我父兄左酒右漿與福相迎
六人俱行各遺其囊鴻鵠失珠亡以爲明蚰飛
蠕動各有配偶小大相保咸得其所陽不制陰男
失其家顧小失大福逃墻外隋和重珪衆所貪
有相如睨柱趙王危殆東門之墀如廬在坂禮義
不行與我心反鳧遇稻牖甘樂蘋鰓雖馳不去
隗假誠前後相違言如鰲咳語不可知四馬共
轅東上高山駢驪同力亡有重難與君笑言堯飲

受命而拜上酒禮樂所豐可以安處保我淑女
縷未就針折不畏女工多態亂我政事千雀萬鳩
與鷄爲仇歲孰不敵雖衆亡益爲鷹所擊萬事俱失
符左契右相與合齒乾以坤利季生六子長大成就
風言如母不利爲咎六翮長翼夜過射國羿氏亡
得大樹之子百條共母當夏六月枝葉茂盛鸞鳳
以庇召伯避暑翩翩偃仰各得其所西鄰小女未
有所許志如委衣不出房戶心亡所處傳母何咎
三奇六耦各有所主周南召南聖人所在德義流行
民悅以喜蝦蟆羣聚從天請雨雲雷集聚應肯耶

與得其所願。履行素德卒。蒙祚福與堯。脩食君子。
有息。陸居少泉山。高亡雲車行千里。塗不污輪湯。
我爲怨。門燒屋燔。爲下所殘。西行出戶。順其道理。
虎臥不起。牛羊歡喜。雌單獨苦歸。其本巢羽毛。惟。
悴志如死灰。鳥鳴呼子。哺以酒脯。高栖水起來歸。
其母。大摧破轂。長舌亂國。床第之言。三世不安。
耕石不生。棄禮亡名。縫衣失針。襦袴不成。燕雀哀。
老悲鳴。入海憂在不飾。差池其羽。頤頤上下。寡位獨。
處。乘風禹禱。與飛鳥俱。一舉千里。見吾愛母。日月。
之塗。所行必到。亡有悲悔。三祀亡棄。家亡積。考使。

鵲求婦。頑不我許。剛柔相呼。二姓爲家。霜降旣同。
惠我以仁。和氣所生。物皆不朽。聖賢居位。國無凶。
咎。河伯娶婦。東山氏女。新婚三日。浮雲酒雨。躡。
華巔。觀浮雲。風不搖。雨不薄。心安吉。患無咎。愛子。
多材起。迹空虛。避害如神。水不能濡。養鷄生鵲。畜。
馬得駒。明堂太學。君子所居。伯主東行。與利相逢。
出旣遭。時孰不相知。南東其戶。風雨不處。瞻晚仁。
人父子相俦。明月照夜。使暗爲晝。國有仁賢。君。
于故。烏孫氏女。深目黑醜。嗜欲不同。過昔無耦。
心得所好。口常欲笑。公孫蛾眉。鷄鳴樂從。鷄鳴同。

舉思配無家。執佩持鳧。莫使致之。敝鏡亡光。不見。
文章少女不嫁。棄于其公。履不容足。南山多葉家。
有芝蘭。乃無病疾。雨師娶婦黃岩。季子成禮。既婚。
相呼南山。膏潤下上。年歲大有。鬼舞國社。歲樂民。
喜。臣禮于君子。孝于父。十雉百雛。常與母俱。抱鷄。
搏虎。誰肯爲娛。龜厭江海。陸行不止。自令枯槁失。
其都市。憂悔無咎。破筐敝宮。棄捐于道。不復爲寶。
遠視千里。不見所視。離婁之明。亡益于耳。牛耳。
聾聵。不曉聲味。委以鼎俎。治亂潰潰。濟深難渡。濡。
我衣袴。王子善濯。決亾他故。龍渴求飲。雲黑景從。

河伯捧醴。跪進酒漿。電梅零蒂。心思積憤。亂我雲
衣。鹿求其子。虎廬之西。唐伯李耳。貪不我許。穿
匏挹水。搆錢然火。勞瘦力竭。飢渴爲禍。

古文奇賞卷之七終

有芝蘭乃無病疾。雨師娶婦黃若季子成禮既婚。
相呼南山膏潤下上年歲大有。鬼舞國社殷樂民。
喜臣禮于君子孝于父。寸雉百雛常與母俱抱雞。
搏虎誰肯爲娛。龜厭江海陸行不止自令枯槁牛。
其都市憂悔無咎。破筐敝宮棄捐于道不復爲寶。
陸。謝。本。書。卷。之。八。水。後。吳。氏。陸。謝。郎。爲。賦。于。耳。
奉。贈。吳。氏。書。卷。之。八。水。後。吳。氏。陸。謝。郎。爲。賦。于。耳。
國。謝。本。書。卷。之。八。水。後。吳。氏。陸。謝。郎。爲。賦。于。耳。



